


CULPEPPER
&
COLLISSON










Thomas South.





1538

(3)

L'IDEE PARFAICTE
DE LA
PHILOSOPHIE
HERMETIQUE,
Ou

L'ABBREGE' DE LA THEORIE
& Pratique de la Pierre
des Philosophes.

SECONDE EDITION.

Augmentée d'Observations pour
l'Intelligence des Principes & Fonde-
ments de la Nature, & de la Philo-
sophie Hermetique.

*Avec une Meditation sur les Myſteres de la
Sapience Divine & Humaine.*

Par M. I. COLLESSON,
Doyen de Maigné.



A PARIS,
Chez *Herné du Mesnil*, rue S. Iacques,
à la Samaritaine.

M. D C. X X X I.
AVEC PRIVILEGE DV ROY.

Γῆ ἢ πῖσσα τὸν ἔω' αὐτῆς πολλάκις ἐρχόμε-
ναν ὑετὸν, καὶ πικρὰσα βοτάνην εὗρετον
σκεῖνοις δὲ ὅς καὶ γαργεῖται, μεταλαμβάνει
εὐλογίας ὑπὸ τῆς Θεῆς. Σκφέρουσα δὲ ἀκάνθας
καὶ τειβόλους, ἀδουκίμος καὶ κατὰρας ἐχῆυς, ἥς
τὸ τέλος εἰς καῦσιν.

Πρὸς Εβραίους. γ.





A
MONSEIGNEVR,
MONSEIGNEVR
FILS DE FRANCE,
*Frere Vnique du Roy,
Duc d'Orleans, de Valois,
de Chartres, &
Comte de Blois.*



ONSEIGNEVR,

Il n'y a rien
qui conuienne
dauantage aux
Princes que l'e-
tude de la Philosophie Herme-
a ij

tique, car comme ils surpassent à cause de leur naissance le reste des hommes en grandeur & puissance, ils doiuent s'efforcer à ce qu'ils les surmontent en la science de Dieu & de la Nature, ce qui ne se peut obtenir facilement que par la susdicte Philosophie. Les anciens Roys d'Ægypte, & d'Arabie, entre lesquels ceste vraye Philosophie a principalement regné, sçachants combien il leur importoit pour leur conseruation d'estre versés aux sacrés Mysteres de la pure Philosophie, instruisoient Cabalistiquement leurs Enfants en iceux, afin que par la communication qu'ils leurs en faisoient ils eussent toutes sortes d'aduantages sur leurs subjects.

L'Vtilité & le contentement que vous receurés MONSIEUR, de l'aggreable diuertissement de

EPISTRE

ceste estude de Sageſſe, vous con-
 uient à l'embrasser avec affection:
 car pour ce qui est du premier,
 quia il plus neceſſaire & proſſita-
 ble que de pouuoir conuertir en
 Argent & en Or les Metaux im-
 parfaicts, par la ſeulle proiection
 qu'on fait de la Poudre diuine,
 que les vrayſ & fidelles Enfants
 d'Hermes compoſent ſuiuant l'ad-
 mirable artifice qu'ils ont appris
 de leur Pere & Maistre en ſa Ta-
 ble d'Eſmeraude? & pour ce qui
 regarde le ſecond, quel contente-
 ment y a il pareil à celuy de la ſan-
 té, & de la prolongation de la vie?
 ſans aucun reſſentiment de mala-
 dies & infirmités, ce qui arriue
 par l'vſage de la ſuſdicte Poudre,
 à cauſe qu'en icelle ſont concen-
 trées & fixées toutes les vertus,
 influences, & puiſſances du Ciel
 par le moyen de *l'Ame Vniuerſelle*

du Monde dedans le corps le plus parfait qui soit en la Nature, sçauoir en l'*Or Vulgaire* incorruptible.

Ie ne fais aucun doubte, MONSIEIGNEVR, que vous ne soyés estonné de ce que ie vous offre en Abbregé toute la Theorie & Pratique du diuin Magistere Philosophique, attendu que par vne iuste permission & punitiō de Dieu, ou la Pierre des Philosophes, qu'il enseigne, est estimée de la plus part des hommes impossible, ou bien si elle est creuë faisable, tout le monde pense qu'on n'en peut arriuer à la composition & perfection pour les grandes difficultés qui se rencontrent tant a recognoistre les Matieres conuenables & necessaires, qu'a descouurir le procedé qu'il faut tenir & obseruer aux Operations & en la Pratique d'icelle.

EPISTRE 7

Mais i'espere , M O N S E I-
G N E V R, que ie vous releueray
de ce doubte, si ie vous dis que cha-
que chose a receu au commence-
ment du monde la benediction
de Dieu pour se multiplier, engen-
drer son semblable, & ainsi con-
seruer son espee: & que par Ex-
perience i'ay rendu *l'Or Vulgaire*
Animè & Vegetable, de mort qu'il
semble estre aux yeux des igno-
rants incredules, & ce sans addi-
tió d'aucune matiere quelle quel-
le soit, ne m'estant seruy que de
la seule Nature, laquelle faict en
se singularisant & determinant
d'indifferente, commune & vni-
uerselle qu'elle estoit auparauât,
dedans les semences particulieres
des Animaux , Vegetaux, Mine-
raux & Metaux , qu'vn chacun
d'iceux peut par generation par-
faicte vniuocque, naturelle & or-

dinaire se perpetuer & produire son semblable; & que de plus ie n'ay rien mis en auant en ce petit Traicté Cabalistique, dequoy ie ne puisse vous satisfaire & contenter amplement tant par Experiences, que par bonnes raisons naturelles & irrefragables, qui la suiuent & qui y sont fondées.

Or MONSEIGNEVR, i'ay esté principalement incité a vous consacrer cét Abbregé de la plus secrette Philosophie, tant à cause de vostre non pareil & transcendent Esprit, qui n'est en rien inferieur à vostre naissance, & lequel est naturellement porté à la recherche des choses haultes, excellentes & releuées, & a aymer les sçauants & curieux qui avec cognoissance s'y occupent & adonnent; que pour la bonne volonté & grande affection que vous
auez

EPISTRE. 9

quez tesmoignée & continués de
monstrer à ceux de la Ville de
Sainct Dizier, ma chere Patrie, aux
Prieres continuelles desquels
j'adiousteray tousiours les mien-
nes pour la prosperité & conserua-
tion de V. ALTESSE, faisant de
mon costé à Dieu des vœux parti-
culiers, à ce qu'il me face la grace
de vous faire voir vn iour par ef-
fect la verité de la science réelle
dont ie traicte & de ne viure que
pour estre & mourir,

MONSEIGNEVR,

Vostre tres-humble, tres-obeïssant &
tres-fidelle seruiteur.

JEAN COLLESSON de S. Dizier.

SONNET.

Au Fidelle Enfant de Doctrinc.

Prens l'Eau que tu ne voids qui natu-
rellement

Est ioincte a vn Feu doux dans la mesme
Miniere:

L'Or s'y deuestira de sa Robe premiere,
Pour l'Oeuure commencer d'Hermes heu-
reusement.

Et conseruant ton Roy dans son bain
chaudement,
Afin qu'aydè de l'Art plus de force il ac-
quiere,

Attendras tant qu'il soit tout reduit en
poussiere,

Et que l'Ame se ioigne à son Corps fixemèt,
En la conionction de la Terre & de l'Eau,
Tu verras promptemèt la Teste du Corbeau.
De Saturne Iupin sortira venerable,
Qui a Latone ioinct d'une estroite union,
En elle engendrera Diane & Apollon,
Apollon des mortels sur les Dieux adora-
ble.

I. C. D. S. D.

L'IDEE PARFAICTE
DE LA
PHILOSOPHIE
HERMETIQUE,

Ou

*L'Abbregé de la Theorie
& Præctique de la
Pierre des Phi-
losophes.*

I



A Pierre des Philoso-
phes introduict natu-
rellement dedans les
Metaux imparfaits la
forme d'Or Vulgaire avec toutes
ses qualités, accidents, signatu-
res & proprietés : Et par conse-
quent la Pierre des Philosophes
doibt auoir en soy la forme d'Or

Vulgaire, car autrement si elle ne l'auoit, elle ne pourroit actuellement l'introduire.

II Mainténât de toutes les substances qui sont determinées dedans quelque vne des trois Familles de Nature, sçauoir des Vegetaux, Animaux & Minéraux, il n'y a que le seul Or Vulgaire qui ayt en soy actuellement la forme & les qualités, accidents, signatures & propriétés de l'Or Vulgaire : Et par consequent le seul Or Vulgaire sera le seul & vnique subiect, duquel il faut auoir la forme d'Or, pour la composition de la Pierre des Philosophes. Or que le seul Or Vulgaire ayt la forme d'Or Vulgaire il se prouue aisément de ce que chaque Composé Naturel est distinct de tous les autres Composés Naturels, à cause qu'il a sa forme particuliere,

qui est réellement & actuellement distincte de toutes les autres formes des diuers Composés Naturels: Partant si l'Or Vulgaire est distinct de tous les autres Composés Naturels, ce sera à cause qu'il a luy seul la forme d'Or Vulgaire & que les autres Composés Naturels ne l'ont pas.

III L'Or Vulgaire n'est que simplement parfait par Nature, c'est à dire, n'a qu'autant de perfection qu'il luy en faut pour estre parfait, sans qu'il en puisse faire part aux Metaux imparfaits: Et partant si on veut quel'Or Vulgaire introduise la forme d'Or Vulgaire dedans les Metaux imparfaits pour les parfaire, il est nécessaire que l'Or Vulgaire soit rendu plus que parfait: car tandis qu'il n'aura que sa simple perfection naturelle, il ne pourra iamais parfaire

14 *L'Idée Parfaicte de la*
les Metaux imparfaicts, ny leur
communiquer la forme d'Or.

IV Maintenanť l'Or Vulgaire ne
peut estre rendu plus que par-
faict, si ce n'est avec chose qui soit
plus parfaicte, ie veux dire plus
subtile, plus actiue & plus spiri-
tuelle quel'Or Vulgaire, & qui de
plus soit ou puisse estre renduë
homogene à l'Or, c'est à dire, ait
la forme d'Or eminentment ou
puisse la receuoir par deter minai-
son en se particularisant dedans
l'Or Vulgaire, de la mesme facon
que nous voyons que la pluye qui
est indeterminée a produire plu-
tost vne Rose qv'ne Tulippe, dau-
tant qu'en soy considerée elle ne
contient qu'ementement, uni-
uersellement & indeterminemēt
les semences & formes de la Rose
& Tulippe, à raison de l'esprit Vni-
uersel du Monde vraye semence

commune & forme generale de toutes choses, duquel la pluye est empreincte & engrossie, sans neantmoins auoir aucune homogeneité actuelle, particuliere & prochaine avec les semences & formes de la Rose & Tulippe, que lors que l'Esprit du Monde qui est indeterminé de dans la pluye a deuenir Rose ou Tulippe, estant attiré par les Esprits particuliers de la Rose & Tulippe (qui sont deriués de l'Esprit General du Monde, & qui n'ont esté déterminés dedans la Rose & la Tulippe, pour en estre leurs formes & semences, que par la parole de Dieu en l'origine des choses) deuiant & se faict Rose en la Rose, & Tulippe en la Tulippe; & ainsi en se particularisant actuellement deuiant prochainement & immediatement homogene à la Rose & à la Tulip-

pe (& autant en fault il dire quād
il est determiné & attiré par les
autres Esprits particuliers des Ve-
getaux, Animaux, Minéraux &
Metaux) combien qu'auant ceste
specification & determinaison
dedans la Rose ou Tulippe, la
pluye n'eust à raison de l'Esprit
General du Monde qu'eminem-
ment, vniuersellement, media-
tement & indeterminement les
semences & les formes de la Rose
& de la Tulippe, auquel estat ve-
ritablement toute l'homogenei-
té, qu'il a aux semences & formes
de la Rose & Tulippe, n'est qu'e-
sloignée, mediate & vniuerselle,
laquelle deuiant prochaine, im-
mediate & particuliere en se spe-
cifiant & determinant actuelle-
ment dedans la Rose & Tulippe.
Où en passant il fault remarquer
que *l'Esprit Vniuersel du Monde*
insepa-

inséparablement reuestu d'une substance humide sans mouïller les mains , tres-subtile , grandement rarefiée , du tout celeste & quintessencifiée est l'*Ame Vniuerselle du Monde*, & la *Premiere Matiere Actiue des Philosophes Hermetiques*, d'où la Rose, la Tulippe, l'Or Vulgaire & toutes les autres natures particulieres ont eu originaiement leurs semences & avec icelles leurs formes plus ou moins actiues & parfaites à nostre regard, selon que Dieu voulut faire paroistre plus ou moins en diuerses *Éspecies & Genres* sur le Theatre du Monde, les effects admirables de sa diuine Majesté & puissance infinie.

Or que la chose, qui doit rendre l'Or Vulgaire plus que parfait doieue estre plus parfaite, plus subtile, plus spirituelle, & plus

actiue que l'Or Vulgaire, & pour le dire librement & franchement en vn mot, qu'elle doiuue estre la Premiere Matiere de l'Or & de toutes choses, qui sont distinctes réellement de l'Or Vulgaire, avec laquelle & de laquelle l'Or Vulgaire doit estre nourry, par l'Artifice Hermetique, à ce qu'il deuienne plus que parfait pour parfaire les Metaux imparfaits, il se prouue de ce qu'elle doit dissoudre l'Or naturellement, l'animer & viuifier sur-abondamment & n'estre à iamais qu'une mesme substance avec luy, & de ce que si on mesle avec l'Or quelque matiere grossiere, corporelle, heterogene, imparfaicte, ou simplement parfaicte, l'Or pour cela n'en sera rendu plus parfait, plus actif & plus propre à la generation, ains telles matieres grossie-

res, corporelles, heterogenes & imparfaictes ne le dissoudront, & par leur melleage luy feront perdre sa simple perfection naturelle qu'il auoit auant le melleage, dautant qu'elles sont heterogenes à l'Or Vulgaire, avec les principes duquel partant elles n'auront iamais aucune commixtion naturelle, radicalle & comme on dict *per minima*, à raison de leurs impurés heterogenes à l'Or: & les matieres parfaictes simplement (qui ne peuuent estre que d'autre Or) le laisseront, apres la mixtion qu'on en fera, en la simple perfection naturelle, qu'il auoit auant la mixtion, sans que l'Or Vulgaire en recoiue aucune perfection plus grande en qualite, sans qu'il en deuiene plus spirituel, plus anime, plus actif, plus intrant & plus propre pour parfaire les Metaux imparfaicts.

Et de plus que la chose qui doit rendre l'Or Vulgaire plus que parfait doit estre homogene à l'Or en acte ou en puissance, immediatement ou mediatement, il se montre de ce qu'elle doit se mesler naturellement & radicalement avec les principes de l'Or, & penetrer l'Or en toutes ses plus petites parties, sans qu'aucune separation s'en puisse faire apres le meslage, ce qui ne se fera iamais, si ceste chose n'est homogene à l'Or Vulgaire en acte ou en puissance, immediatement ou mediatement, & de telle nature qu'elle puisse s'unir inseparablement avec l'Or Vulgaire, par la nouuelle determination & specification, qui s'en fera au moyen du subtil Artifice de l'industriel Philosophes Hermétique: car autrement l'Or n'en deviendrait iamais plus parfait: Et

partant tout ce qui est grossier , corporel , imparfaict & heterogene à l'Or, ou qui n'est que simplement parfaict, bref qui n'est *la Premiere Matiere de toutes choses & l'Ame Vniuerselle du Monde*, ne peut donner à l'Or Vulgaire aucune exuberance de perfectiō, veu qu'elle seule peut dilater & multiplier les semences de toutes les natures singulieres par sa seule & nouvelle corporification & determination qui s'en faict tousiours, & qu'elle seule peut nourrir l'Or Vulgaire, le faire vegeter, germer, & l'animer surabondammēt, pour le rendre plus que parfait, & propre à la generation.

V Il est vray que toutes les substances Vegetables , que toutes les Animales, que toutes les Minerales & que toutes les Metal- liques (qui ne sont actuellement

Or Vulgaire) sont Heterogenes à l'Or Vulgaire, dautant qu'elles ne different de l'Or Vulgaire, qu'à cause qu'elles n'ont la Nature, & la forme de l'Or Vulgaire : Et partant toutes ces substances n'auront iamais, quelque Artifice & subtilité qu'on y apporte, aucune commixtion radicalle, naturelle & homogene avec les Principes del'Or Vulgaire, d'où iamais elles ne s'vniront inseparablement avec l'Or Vulgaire: Et par consequent, en estant tousiours separables, elles ne rendront iamais l'Or Vulgaire plus que parfaict. Et de plus toutes ces matieres & substances ne sont si parfaites que l'Or Vulgaire : car l'experience fait voir, que le feu & les Agents communs Naturels les peuuent corrompre & destruire, lesquels toutesfois n'ont aucun pouuoir

sur l'Or Vulgaire. C'est pourquoy toutes les substances Vegetables, routes les Animales, toutes les Minerales & toutes les Metalliques, ne pourront par aucun artifice, inuention, depuration, preparation & subtilité qu'on y apporte rendre l'Or Vulgaire plus que parfait.

VI Pour rendre doncques l'Or Vulgaire plus que parfait, à ce qu'il rende les Metaux imparfaits parfaits, de necessité absoluë il faut auoir recours à la *Matiere Premiere & Vniuerselle de toutes choses*, que le Pere des vrayz Philosophes Hermes nomme *Lune*, & ses Disciples & Enfants *Bain de Diane*, *Eau Hyleale*, *Eau Azothique* & *Eau Primordiale* : & à la *Forme Premiere & Vniuerselle de toutes choses*, que le mesme Hermes appelle *Soleil*, & ses Disciples & Enfants

24 *L'Idée Parfaicte de la
Diane, Nature, Soulfhre Incombusti-
ble & l'Esprit General du Monde,*
qui selon l'Historiographe sacré
Moysé au Premier de la Genese,
en l'origine des choses estoit por-
té sur les Eaux de l'Abysme.

VII La Matiere Premiere &
Vniuerselle, & la Forme Premie-
re & Vniuerselle de toutes cho-
ses sont réellement vne mesme
substance, & ne se peuuent sepa-
rer actuellement l'une de l'autre:
c'est pourquoy les Philosophes
Hermetiques rejettent & ne tien-
nent cõpte de la Matiere Premie-
re des Peripateticiens, qui selon
leur Autheur, au moins à ce qu'ils
disent, est inuisible, sans forme, &
presquer rien.

VIII Combien que la Ma-
tiere Premiere & Vniuerselle, &
la Forme Premiere & Vniuerselle
de toutes choses ne soient réelle-
ment

ment qu'une mesme chose & substance en vn seul & mesme subiect sçauoir en l'Eau Hyleale & Azothique, si est-ce qu'on peut par raison les separer, & ainsi on peut admettre entre ces deux vne distinction formelle ou de raison donnant à l'Esprit inuisible, qui est l'Interne de l'Eau Hyleale & Azothique, le nom de Forme & d'Agent, & le nom de Matiere & de Patient à l'Externe de la mesme Eau Hyleale & Azothique, sçauoir à la substance humide Etherée & Quintessencifiée, laquelle par fois & en certains temps se faict voir aux seuls vrayes Enfants d'Hermes tantost en Vapeur & tantost en Eau. Et de faict, peut estre que l'on ne s'esloignera pas de la verité & doctrine des anciens Philosophes & des Cabalistes, si on dict que l'Interne de l'Eau Hyleale

*L'Idée Parfaite de la
le & Azothique considéré à part
sans l'Externe est l'Esprit General
du Monde, & la Forme Premiere &
Vniuerselle de toutes choses; & que
l'Externe de la mesme Eau Hyleale, &
Azothique considéré à part sans
l'Interne est la Matiere Premiere &
Vniuerselle de toutes choses : & que
lors qu'on conçoit l'Interne &
l'Externe ensemble, sçauoir l'Es-
prit reuestu de la pure substance humide
Etherée & Quintessenciée, les deux
ainsi ensemble sont & font l'Ame Ca-
tholique ou Vniuerselle du Monde, qui
est toute Forme & toute Matiere
considérée interieurement ou ex-
terieurement, & laquelle partant
nourrit toutes choses, en suite
dequoy elle cause toutes les gene-
rations, transplantations & mul-
tiplications de tous les indiuidus
des diuerses Espèces & Genres
qui sont aux trois Familles de Na-*

ture, par la determinaison, specification, & corporification qui se faiet d'icelle *Ame Generale du Mōde* dedans les semences des differents indiuidus desdictes trois Familles, vn chacun d'iceux attirant à soy perpetuellement & corporifiant en soy spirituellement la susdicté *Ame Generale du Monde*, pour l'extension & multiplication de sa semence.

IX *L'ame du Monde* est entous les indiuidus des diuerses Familles de Nature, puis que routes les Formes diuerses & materielles desdits differents indiuidus sont deriuées originaiement de *l'Ame Vniuerselle du Monde*, & à laquelle partant elles demeureront reünies apres la destruction & conflagration du Monde. Toutesfois on ne peut separer par aucun artifice de la Chymie com-

L'Idée Parfaicte de la
munel' *Ame du Mōde* d'aucun sub-
iect determiné, visible & parti-
culier quel qu'il soit, pour la plus
grande perfection de l'Or Vul-
gaire: ains ce qu'on en extraira se-
ra tousiours particularisé retenāt
la Nature, accidents, conditions
& proprietés du composé Natu-
rel particulier, duquel il a esté ex-
traict: Et partant tout ce qu'on
en separera sera tousiouts Hete-
rogene à l'Or Vulgaire, & trop
impur & imparfaict pour la Ma-
tiere de la Pierre des Philosophes.

X *L'Ame du Monde en sa Genera-*
lité & Vniuersalité, n'ayant ia-
mais encores esté spécifiée & de-
terminée en aucū subject particu-
lier & visible, *est la Matiere de la*
Pierre des Philosophes, comme l'Or Vul-
gaire qui la determine & specifie par sa
vertu aymāine & sympathique en est
la Forme. L'Ame du Monde est be

Mercur & le dissoluant des Philosophes, avec lequel l'Or Vulgaire doit estre naturellement & sans violence dissout. Et de la conionction fixe de ces deux resulte & n'aist la vraye *Salamandre Philosophique*, & le cher *Enfant du Soleil*, lequel estant tout feu consomme en vn instant toutes les impuretez des Metaux imparfaicts sur lesquels il est proietté, decuisant au mesme temps la substance Mercurielle qui est dedans lesdicts Metaux imparfaicts en Argent ou en Or, selon le degré de perfection, auquel la Diuine Pierre des Philosophes a esté menée pour l'vn ou pour l'autre effect.

XI La Practique de l'Oeuure Hermetique consiste en deux Operations, apres qu'on a depuré aux preparations l'Or Vulgaire de toutes matieres heterogenes

L'Idée Parfaicte de la
 & qu'on l'a rendu subtil & attenué
 pour estre plus susceptible de l'*Es-*
prit viuisque de l'Ame Catholique du
Monde.

XII Frere Basile Valentin Re-
 ligieux de l'Ordre de saint Be-
 noist enseigne que pour les Prepa-
 rations qu'il faut apporter à l'Or-
 auant que commencer l'Oeuure
 Philosophique, il faut le passer
 trois fois par l'Antimoine, apres
 que les affineurs l'ont depuré au-
 tant qu'ils ont peu par la Coupel-
 le & l'inquart.

Que la Couronne du Roy, dit ce
 grand Philosophe, soit d'Or tres-
 pur, & que l'on luy ioigne sa chaste *Es-*
pouse. Si doncques tu veux operer en
 nos matieres, Prends un Loup affamé &
 rauissant, subiect, à cause de l'etimolo-
 gie de son nom, au guerrier Mars, mais
 de race tenant de Saturne comme estant
 son fils. L'on le trouue dans les vallées

Et montaignes tousiours mourant de
 faim. Iette luy le corps du Roy, afin qu'il
 s'en soulle ; apres qu'il l'aura mangé
 iette le dedans un grand feu pour y es-
 tre du tout consommé, Et le Roy sera
 deliuré. Apres que tu auras fait cela
 trois fois, le Lyon aura du tout surmon-
 té le Loup, Et le Loup ne pourra plus
 rien consommer du Roy, Et nostre Ma-
 tiere sera preparée Et presté a commen-
 cer l'Oeuure. Et apprends que ce n'est que
 par ce chemin là que l'on peut operer nos
 Matieres pures, car l'on laue Et purge
 le Lyon du sang du Loup, Et la Na-
 ture du Lyon se delecte merueilleusement
 en la teincture du Loup, pour ce qu'il y a
 une grande affinité Et comme parenta-
 ge entre le sang de l'un Et de l'autre.
 Quand doncques le Lyon se sera soullé,
 Et son Esprit fortifié, ses yeux reluiront
 Et esclaireront cōme le Soleil, Et sera sa
 force interieure biē grāde, Et de grād pro-
 fit Et utilié à tout ce que tu voudras.

XIII En la Premiere Operaⁿtion de la Pierre des Philosophes on ne tend qu'à nourrir & a animer l'Or Vulgaire de *l'Ame Vniuerselle du monde*, à ce qu'il deuienne plus que parfait, pour oster la lepre des Metaux imparfaits, pour entretenir l'homme en santé & luy prolonger ses iours au delà du terme ordinaire de la vie commune & le guerir indifferemment de toutes les maladies, auxquelles il peut tomber.

Or iamais l'Or Vulgaire n'est nourry, empreinct, animé & viuifié de *l'Ame Generale du Monde*, qu'il ne soit rendu de mort vif, qu'il ne vegete visiblement, que la queue de Paon ne parroisse, non pas en la Matiere, mais au tour du vaisseau, representant toutes les Couleurs qu'on scauroit s'imaginer, entre lesquelles la verte pre-
domine

domine aux autres, & apres icelle vne rouge & pourprée. Et ceste premiere Operatiō s'acheue apres l'animation, calcination & dissolution de l'Or Vulgaire dedans l'Eau Philosophique, qui n'est autre chose que l'Ame Generale du Monde par la separation des Elements, sçauoir du feu de la terre, du subtil de l'espois, du volatil de son fixe, & de l'Ame pure & blanche de son corps impur & noir, qui demeure tout discontinué en poudre tres fixe sans pouuoir aucunement se fondre.

Frere Basile Valentin parle en ceste sorte de la Premiere Operatiō de l'Oeuvre Hermetique au Premier liure de ses douze Clefs de Philosophie. Prends, dict il, de bon Or, mets le en pieces, & le dissouls comme enseigne la Nature aux Amateurs de science, & le réduits en ses

*L'Idée parfaite de la
premiers principes, comme le Medecin
a de coustume de faire dissection d'un
corps humain pour cognoistre ses parties
interieures, & tu trouueras une se-
mence qui est le commencement, le mi-
lieu, & la fin de l'Oeuure, de laquelle
nostre Or & sa femme sont produicts,
sçauoir est un subtil & penetrant Es-
prit, une Ame delicate, nette & pure,
& un sel & baufme des Astres, les-
quels estans unis ne font qu'une liqueur
& Eauë Mercurielle.*

Et plus bas le mesme Philoso-
phe traite de rechef de la Pre-
miere Operation Philosophique
en ces termes, par lesquels il don-
ne assés de lumiere au moins
clair-voyant pour se conduire en
ceste Premiere Operation. *Esueille
toy, dict il, Peuple Mortel, & regarde
la lumiere, de peur que les tenebres &
obscurités ne te trompent. Les Dieux du
bon heur, & les grands Dieux m'ont re-*

Philosophie Hermetique. 35

uelé cecy en un profond sommeil. O
qu'heureux est celuy qui cognoist les
Dieux, & les merueilles qu'ils operent,
& qui a les yeux esclairez pour voir la
lumiere qui luy estoit cachée auparauât.
Il s'est leuë par la bonté des Dieux deux
Estoilles aux hommes, pour chercher la
vraye & profonde Sagesse: regarde les,
ô Mortel, & marche à leur clarté, pour
ce que l'on y trouue la Sagesse. Le Phœ-
nix Oyseau Meridional viste & léger
arrache le cœur du corps d'un grand A-
nimal d'Orient: baille des aisles a l'Ani-
ma d'Orient, afin qu'ils soient sembla-
bles, car il fault que l'on oste à la Beste
Orientale sa peau de Lyon, & que de-
rechef ses aisles disparoissent & qu'il en-
tre ensemble dans la grande Mer salée
Oceane, & qu'il en sorte derechef avec
beauté; alors iette tes Esprits remuans
dans une profonde fontaine, où l'Eau ne
tarisse iamais, afin qu'ils soient rendus
semblables a leur Mere qui y est cachée,

XIV En la Seconde Operation du Magistere Hermetique, par laquelle il semble seló la plus part des Autheurs que l'Oeuure des Philosophes commence (car ils ne parlent que fort peu, & encores tres-obscurément de la Premiere, sans laquelle toutesfois on ne peut rien faire en ceste science Transmutatoire) le Sage & industrieux philosophe fixe *l'Ame Generale du Monde* dedans l'Or Vulgaire, conuertit le feu en terre, le subtil en espois, le volatil en fixe, & rend l'Ame pure & blanche à son corps immobile, grossier & terrestre. Et si l'Artiste a eu be-
soin de patience au Premier labeur, il ne fault pas que la mesme luy manque en ce Second, car la Putrefaction, qu'ils nomment *Teste de Corbeau*, luy durera sept,

neuf ou dix mois, apres lesquels il iouyra premierement des faueurs de la Reyne blanche, & en suite de celles de son Roy vermeil & sanguin, pourueu qu'il sçache la iuste administration du feu.

Frere Basile Valentin monstre au premier liure de ses douze Clefs de Philosophie, ce que le Philosophe doit faire en ceste Seconde Operation, quand il dit, *Qu'il faut tellement rectifier le Mercure, le Souphre & le Sel Philosophiques, que l'Ame l'Esprit & le Corps soient si bien & nû, qu'ils ne se puissent iamais quitter, qu'alors sera fait le vray lien d'Amour, & que la maison de gloire & d'honneur sera bastie, & que cecy n'est rien autre chose que l'Eau seiche conioincte à une Substance terrestre, qu'il faut faire (sçauoir en la Premiere Operatiō) à la terre de grandes aisles & la rencoigner & presser tellement qu'elle monte*

38 *L'Idée Parfaicte de la*
en hault & vole par dessus toutes les
Montagnes, iusques au Firmament, &
qu'alors (pour la Secóde Operatió)
il fault couper à la terre les aisles à for-
ce de feu, afin qu'elle tombe dans la mer
rouge, & s'ynoye, puis qu'il fault faire
calmer la mer, & dessecher ses eautés par
feu & par air afin que la terre renaisse.

XV Or sans recommencer de
nouveau vn ouurage si ennuyeux,
le Philosophe multipliera s^o Oeu-
ure, quand il est paruenue à la blan-
cheur ou rougeur, tant en quanti-
té qu'en qualité iusques à l'infiny,
s'il le dissout & fixe avec nouvelle
Eau Philosophique, gardant le mes-
me procedé qu'il a tenu aupara-
uant. Où il remarquera qu'à cha-
que Multiplication la diuine Pier-
re Blanche ou Rouge acquerra dix
fois autant de vertu qu'elle auoit
auant qu'elle fust multipliée: de
maniere que si à la premiere fois

vn poid d'icelle en conuertissoit cent de Metal imparfaict en Argent ou en Or, la seconde fois il en conuertira mil, la troisieme dix mil, la quatrieme cent mil, & ainsi à l'infiny, d'autant qu'à chaque Multiplication il y a eu addition d'autant *de nouvelle Matiere Philosophique*, sçauoir de *l'Ame Generale du Monde*, qu'il en a fallu pour augmenter la Poudre en vertu de dix fois autant qu'elle pouuoit auant la multiplication.

XVI Pour la perfection & accomplissement du grand Oeuure des Philosophes apres les Multiplications, il ne faut obmettre *la Fermentation*, qu'on nomme ordinairement l'Oeuure de trois iours à celle fin que la Diuine Pierre ayt plus facilement ingrés dedans les Metaux imparfaicts : car autrement à cause de sa grande spiritua-

lité & subtilité elle furnageroit
toufiours le Metal imparfaict sur
lequel on la proietteroit. C'est
pourquoy on fermente l'Oeuure
au Blanc avec l'Argent Vulgaire ;
& l'Oeuure au Rouge avec l'Or
Vulgaire : le Blanc en deux iours,
& le Rouge en trois ; au premier
desquels les matieres sont noires ;
au second blanches, ou les Esprits
avec grand bruiet s'vnissent fixe-
ment aux Corps : & au troisieme
elles deuiennent Rouges & San-
guines ; apres quoy il ne reste plus
que de faire proiection de la Diui-
ne Pierre des Philosophes sur les
Metaux imparfaicts pour les con-
uertir en Argent ou en Or, selon
la Teincture de la Medecine.

XVII Il appert de ce que dessus
que la Pierre des Philosophes se cō-
pose de deux substances & parties ;
l'vne desquelles est materielle &
determi-

determinable, sçauoir l'*Ame Generale du Monde*: & l'autre est formelle & determinante, sçauoir l'Or Vulgaire. D'où on cognoist que ceux qui ont deffiny la Pierre, par l'Esprit Vniuersel du Monde, qui par l'entremise du Ciel a esté corporifié au ventre pur & virginal de la Terre Adamique, ont euegard à la Matiere de la Pierre, attendu que par l'Esprit ils ont entendu l'Interne de l'*Ame Generale du monde*; & par le Ciel l'Externe de la mesme *Ame du monde* & la pure Substance Etherée & Aerienne: & que ceux qui l'ont desfinie par l'Or exalté à vn supreme degré de perfection, par digestions Philosophiques, ont voulu la declarer par sa forme, voulans que l'exuberance de perfection, qui arriue à l'Or Vulgaire, vienne de la corporification, determinai-

42 *L'Idée Parfaicte de la*
son & particularisation de l'*Ame*
Generale du Monde dedans l'Or
Vulgaire preparé & attenué, com-
me de la Matiere Premiere & Vni-
uerselle dedans le subiect particu-
lier & formel, qui doit communi-
quer sa forme, par l'extension &
multiplication, qui arriue de sa se-
mence, par la nouuelle corporifi-
cation, qui s'y faict de l'*Ame Gene-*
rale du Monde.

XVIII De ce petit Abbregeé
Cabalistique, il est aisé d'entédre,
que la Philosophie Hermetique
n'est autre chose, que la Cognois-
sance de l'*Ame Generale du monde*
determinable en sa Generalité &
Vniuersalité dedas l'Or Vulgaire,
pouren composer vne Medecine
Vniuerselle & Panacée, qu'on
nomme Vulgairement *Pierre Phi-*
losophale. Je dis dedans l'Or Vul-
gaire, dautant que d'iceluy seul,

& de l'*Ame Generale du Monde*, on en compose les deux Pierres des Philosophes, sçauoir la Blanche & la Rouge, combien que ie ne nye pas, que de l'Argent Vulgaire & de la mesme *Ame Generale du Monde*, on n'en puisse faire vne Pierre Blanche, pour conuertir en Argent les inferieurs Metaux imparfaicts.

XIX Pour Recapitulation de toute la Theorie & Practique de la Pierre precieuse des anciens Philosophes, ie dis que toute la Sapience Hermetique ne gist qu'à Dissoudre & à Congeler: & que l'Argent Vulgaire & l'Or Vulgaire purifiés & attenués, sont les Corps qu'il faut dissoudre, sçauoir l'Argent pour l'Oeuure au Blanc, & l'Or pour l'Oeuure au Rouge (si quand on traueille sur l'Or, on ne se contente de l'Operation, quand les Matieres sont Blâ-

ches, sans se soucier de les faire rougir ; auquel cas il faudroit multiplier & fermenter lesdictes Matieres Blanches avec *l'Ame Generale du Monde* & l'Argent Vulgaire: Et que pour ce qui est de la Substance, qui dissout naturellement & Philosophiquement l'Argent & l'Or Vulgaires, il ne faut s'imaginer qu'il y en ayt d'autre, que *l'Ame Generale du Monde*, qui par les Aymants & moyens Philosophiques, se tire & attire des Corps Superieurs & principalement des Rayons du Soleil & de la Lune.

D'où on cognoist que ceux là n'ont la cognoissance du Mercure ou Menstruë des Philosophes, qui pensent dissoudre naturellement & Philosophiquement les Metaux parfaicts avec des dissolvens particuliers tirés de l'Anti-

moine, du Saturne, Vitriol, Salpetre, du Sang humain, de l'Esprit de Vin, du Miel, ou du Vinaigre, ou de quelque autre matiere quelle qu'elle soit, Animale, Vegetable, Minerale, ou Metallique, comme ainsi soit que toutes ces matieres là & toutes les Substances, qu'on en pourra iamais preparer & extraire, n'auront aucune Homogeneité & Conformité de Nature avec les Corps parfaicts Metalliques, d'où elles ne pourront s'vnir inseparablement avec iceux, & d'où en suite elles ne leur donneront iamais aucune exuberance de perfection: ce qui est neantmoins absoluëment necessaire, à celle fin qu'ils soient & deuiennent la Pierre des Philosophes.

Or comme au cômencemēt de l'Oeuure Philosophique, pour la

Premiere Operation, on n'a principalement qu'à Dissoudre, c'est à dire, qu'à spiritualiser & volatiliser l'Or & l'Argent Vulgaires par l'*Ame Generale du Monde*, qui en dis-continuant toutes leurs plus petites parties, s'vnit à icelles avec Homogeneité & inseparablement, à cause que leur semence en est venuë; de la mesme façon que l'Eau chaude agissant sur la glace, la red Eau & s'vnit inseparablement à icelle avec Homogeneité, dautant que la glace a eu sô Estre de l'Eau; aussi pour la Seconde Operation de la susdicte Pierre des Philosophes, tout le but des Sages n'est que de Coaguler & Congeler l'Or & l'Argent Vulgaires ainsi dissoults: ou pour mieux dire, leur intention ne rend qu'à coaguler & congeler fixement l'*Ame Generale du Monde* dedans l'Or ou l'Argent,

puis que d'ailleurs ces Corps parfaicts Metalliques sont assés coagulés & congelés de leur Nature ; & que comme la Dissolution n'est qu'à raison des Corps, la Congelation aussi n'est & ne peut estre qu'à l'esgard des Esprits, & Substances spirituelles, telle qu'est la susdicte *Ame Generale du Monde*: apres laquelle Congelation, il n'est necessaire, pour la perfection de la diuine Pierre des Philosophes, que de multiplier & fermenter l'Oeuure au Blanc avec l'*Ame Generale du Monde*, & l'Argent Vulgaire; comme l'Oeuure au Rouge avec la mesme *Ame Generale du Monde* & l'Or Vulgaire.

XX La Nature & l'ordre que Dieu a estably au Monde, l'Experience, la Raison & les Liures des Philosophes Hermetiques bien & sainement entendus, ne veulent

& ne peuuent permettre qu'on parle autrement de la Theorie & Practique de la Pierre des Philosophes. Et partant il faut tenir pour peu sçauants en la Nature, & encores moins versés en la Philosophie Hermetique, ceux qui en traictent autrement, qui prennent d'autres Matieres, qui suiuent d'autres procedés, & qui pensent que par autre Chemin, que celuy que i'ay enseigné en cet Abbrege Cabalistique, on puisse paruenir à la fin de ceste tant noble Science, & à la composition de la tres-precieuse Pierre des Philosophes. Toutesfois il ne faut tenir les anciens Philosophes ignorâts, qui en ont escrit autrement, ie veux dire obscurément, sous parabolles & enigmes; ny meschants de ce qu'ils ont enseigné quantité de Matieres & d'Operations fausses

ses inutiles & impertinentes, veu
qu'ils n'ont fait cela, que pour em-
pescher que les Meschans & indi-
gnes n'en arriuaissent à la cognois-
sance, sçachants fort bien que ce-
ste science estant après celle de
Dieu, la Premiere de toutes les au-
tres, & le plus grand bien que la
Diuine Bonté ayt communiqué
aux hommes; les gents de bien
qui la rechercheroient avec bon-
ne intention, par la grace de Dieu,
ne la conceuroient que trop en
leurs Escrits; sur tout si en suiuant
leurs cōseils; ils iettoient tous-
iours les yeux sur la Nature, pour
recoñhoistre comment elle se
gouuerne en ses Generations, de
quelle matiere elle se sert, quel
ordre & quel procedé elle y ob-
serue perpetuellement de la mes-
me façon.

Au reste tout ce que i'ay declaré

50 *L'Idée Parfaicte de la*
cy dessus, appartient au Grand Oeu-
ure des Philosophes, auquel fort
peu paruiennent, à faute de sçiece &
de la patiëce, qui est requise pour
en attendre la fin, comme ainsi
soit qu'il ne se puisse faire qu'en
fort long temps.

Mais il y a des Oeuures réels Par-
ticuliers & de tres-grand proffict
en la science Transmutatoire, qui
sont comme des branches & de-
pendances du Grand Oeuure Phi-
losophique, pour la composition
desquels, il ne faut tant de temps,
qu'il est requis, pour acheuer le
Magistere Hermetique; combien
qu'ils ne se puissent accomplir säs
la cognoissance de l'Artifice, avec
lequel il faut attirer & determiner
l'Ame Generale du Monde dedans
l'Argent & l'Or Vulgaires, & du
moyen de depurer par & avec *la*
mesme Ame Generale du Monde l'hu-

midre radicale des Metaux, ie veux dire le Mercure Vulgaire, de sa double lepre qu'il a contracté aux Minieres des Matrices Aqueuse & Terrestre. Et à celle fin que ceux qui iusques icy ont peu aduancé en ceste estude de Philosophie, cômèçassent à en receuoir quelques commodités, pour les encourager dauantage à aspirer à la Practique de la diuine Pierre, i'ay pris resolution d'enseigner briefuemēt deux Secrets Particuliers tres veritables & de peu de frais, & de grād profit, à la faueur desquels ils pourront ioyeusement & avec patience, attendre le temps du long & ennuyeux trauail du grād Oeuure des Philosophes.

Le Premier Secret se faiēt & cōpose d'vne partie d'Or Vulgaire Vif c'est à dire, qui n'a encores esté fondu, ou qui est empreinēt

*L'Idée Parfaicte de la
de l' Ame Generale du Monde, & de
dix parties de Mercure Vulgaire
engrossi de l' Ame Vniuerselle du Mō-
de, avec laquelle, & par laquelle il
a esté deliuré d'vn phlegme hete-
rogene à sa nature, qui le rendoit
hydropique, & d'vne terre noire
excrementeuse qui n'estoit de sa
composition naturelle, & qui em-
peschoit qu'il ne se messast insepa-
rablement avec l'Or. Ces Matie-
res estât ainsi préparées, il faut les
amalgamer ensemble, selon l'Art,
les figiller Hermetiquement dans
vn vaisseau de verre, & leur donner
trois mois entiers vn feu de Putre-
faction, apres lesquels on les en-
tretiendra six autres mois au mes-
me degré de feu au commence-
ment, l'augmentant apres par de-
grez selon l'Art, à celle fin que par
frequentes & reiterées sublima-
tions & descensions, les Matieres*

se purifient, blanchissent & rougissent, pour auoir le Souphre requis à cest Oeuure. Lors il faudra prendre vne partie de ce Souphre, deux parties d'Or Vif, & quatre parties de Mercure préparé & animé comme dict est, & donner le feu par degrez trois autres mois, pour acheuer l'Operation, & auoir la Medecine parfaicte. Laquelle on multipliera à l'infiny, en prenant & decuisant vne partie d'icelle Medecine, avec deux parties d'Or Vif, & quatre parties de Mercure préparé & animé comme dict est. Quoy faict il ne restera plus que de faire projection de ceste excellente Medecine sur le Mercure Vulgaire ou sur quelque Metal imparfait pour le conuertir en Or. Que si on vouloit auoir vne Medecine, qui conuertist en Argent les Metaux impar-

L'Idée Parfaicte de la
faicts, il faudroit au lieu d'Or Vif
prendre de l'Argent Vif & garder
les mesmes poids & procedé que
dessus.

Le Second Secret, est pour mon-
strer l'affinité qu'il y a du Mercure
preparé & animé comme dict est,
avec l'Or Vif ou l'Argent Vif: car
si on prend vn gros de ce Mercu-
re preparé & animé, & si apres on
le mesle avec vn autre gros d'Or
Vif ou d'Argët Vif, il ne faut faire
autre chose que les decuire Philo-
sophiquemēt, & r'adiouster à neuf
diuerses fois neuf autres gros de
Mercure preparé & animé, com-
me dict est, decuisant les Matieres
à chaque fois, tant qu'elles soient
fixes, & ainsi on verra qu'une par-
tie d'Or Vif aura conuertie en Or
dix parties de Mercure preparé &
animé, & qu'autant en aura faict
vne partie d'Argët Vif sur dix par-

Philosophie Hermetique. 55
ties de Mercure preparé & animé
comme dessus de l' *Ame Generale du*
Monde.

Τὸ γνωστὸν τῷ θεῷ φανερόν ἐστιν οἱ αὐτοῖς :
καὶ γὰρ ἀόρατα αὐτῷ ἀπὸ κλίσεως κόσμου τοῖς
ποιήμασι νοόμενα καθαράται, ἥτε αἰδῶος αὐτῷ
δύναμις καὶ θεϊότης.

Πρὸς Ῥωμαίους. α.

SONNET.

Du Mercure des Philosophes.

ENtre tous mes Enfans Celle qui m'est Vnique
 Et l'Engrosse bien qu'Esprit d'un Cæleste Baïser :
 Elle Chaste qui veut son Amour appaiser,
 Par mes Embrassemens deuient Mere Pudique.

Mere, Enfant, Sexe nul, de Nature Angelique ;
 Esprit & Corps ensemble, Esprit prompt à voler,
 Et Corps graue qui tend à tousiours deualler :
 Deux Contraires en Vn, Guerriers, Pacifiques.

Ayant doncques senty le Miel, qui de mon Sein,
 Decouille dedans Elle : Elle n'a plus dessein
 Pour son contentement d'autres Meiz, d'autre Chouse,
 Fors que de s'eschauffer par Art legerement ;
 Pour se rendre plus prompte à cest Embrassement,
 Qui la fait Corps, Esprit, Mere, Enfant, Fille, Epouse.

P. P. P.

SONNET.

Du Sel des Philosophes.

EAu seiche Humide Feu d'Androgyn Nature,
 Pur Esprit & vray Corps, Amphibie parfait,
 Cher Enfant de mon Pere il est par moy fait :
 Et moy du mien ie suis la plus chere Pasture.

Que dis-je Pere, Enfant ? d'aucune Creature
 Je ne suis ny l'Enfant, ny le Pere de fait :
 Bien d'un Pere & d'un Fils proceday-je en effect :
 Dualiste fait un, Geniteur, Geniture.

La Nature sans Art ne me peut conceuoir :
 Ny luy sans Elle aussy ne se sauroit auoir.
 De ces Deux assemblez mon Estre se rassemble.

Puisant Hermaphrodite aussy de vray ie suis,
 Tout Sexe & Sexe Nul : Car dire ie me puis,
 Tout Feu, toute Eau, tout Air & toute Terre ensemble.

P. P. P.

S O N N E T.

Du Soulfhre des Philosophes.

Terre prise de l'Air, & Feu tiré de l'Onde,
 Le Feu me fait pesant, l'Onde Atome léger,
 Animé par ma Mort sans d'un lieu me bouger,
 D'as le Feu, l'Air & l'Eau i'ay circüy tout le Mōde.
 En Moy Seul est aussi la Quadrature Ronde,
 Le Feu y est l'Eau, l'Eau Terre & la Terre Air,
 Et de plus hault & bas de ce qu'on peut parler
 De Parfaict en ce Tout, Tout en Moy Seul abonde,
 Aussi seroy-ie au Feu mille ans sans auoir soif.
 Et tout autant à l'Eau sans sentir aucun froid,
 Eau Pure du Soleil & Vray Feu de la Lune.
 C'est pourquoy quādon m'al'o peut dire en tout tēps
 Auoir un Riche Autōne, auoir un Beau Primtēps,
 Et bref auoir à soy Toutes Choses en Vne.


P.P.P.

S O N N E T.

Del'Oeuure Parfaict.

Eau Feu, nō Eau ny Feu, i'ay surmōté les flāmes,
 l'ay d'sseiché les Eaux i'ay la ~~Mer~~ ^{Mer} domté,
 l'ay trauersé les Airs, & sublime ay mōnté
 Dans l'estage du Feu Domicille des Amēs.
 Je vogue dans la Mer des riches aurisflāmes,
 l'arbore mes vaisseaux de double maiesté,
 De Roy de la Richesse, de Roy de la Santé,
 Heureux qui peut tirer la moīdre de mes Rames.
 De Dieu seul Tout-Puissant ie relene en plein suf,
 Je ne tiens que de Luy; i'ay pour arriere-fief,
 Les Puissances du Feu, de l'Eau, l'Air & la Terre.
 Aussi Roy de ce Tout, i'enrichi de ce Tout
 Tous les Indinidus de l'un à l'autre bout,
 Seul ayāt les Thresors, qu'un chācū veu acquerre.

P.P.P.



QVATRAIN.

Sur la Vraye Matiere de la Pierre
des Philosophes.

Deux Mercurcs tirés d'une mesme Racine,
L'Vn Cuiët, & l'Autre Crud; L'Vn du tout
Imparfaiët,
Mais bien plus Excellent; & l'Autre tout Parfaiët,
Mais Moindre de beaucoup, parfont la Medecine.
P.P.P.

OBSERVATIONS

OBSERVATIONS
POVR L'INTELLIGENCE
des Principes & Fondemens
de la Nature, & de la Philoso-
phie Hermetique.

Avec vne

MEDITATION
*sur les Mysteres de la Sapience
Divine & Humaine.*

Par M. I. COLLESSON,
Doyen de Maigné.



A P A R I S,
Chez *Herné du Mesnil*, rue S. Iac-
ques, à la Samaritaine.
M. D C. XXXI.
AVEC PRIVILEGE DV ROY.



A MONSEIGNEVR
MONSEIGNEVR
L'EMINENTISSIME
CARDINAL DE LA ROCHE-
FOUCAULT, GRAND AVMOISNIER
de France.

MONSEIGNEVR,

M Je croy faire chose agreable
à Dieu, honorable à l'Egli-
se, & utile au Public, que de faire voir
le jour à ces Observations Philosophi-
ques, sous la spendeur de Vostre Tres-
illustre Nom. Dieu qui n'a crée l'hom-
me que pour luy communiquer sa Gloi-
re, apres qu'il auroit esté adoré & reco-
gneu de luy comme il conuient, desire
au cœur de l'homme une grande pure-

EPISTRE.

té, en ses actions vne sainteté, & ius-
 tice selon ses diuins commandemens.
 Mais l'homme est si miserable, qu'à pei-
 ne songe il à s'aquitter de son deuoir, s'il
 n'y est poussé par les exemples des Lu-
 mieres de l'Eglise : & lors qu'il en co-
 gnoist les Prelats viure vne Vie con-
 forme à ce qu'ils sont, il à coustume de
 se reigler à leur modelle. I'allumerois,
 MONSEIGNEVR, vn flambeau
 en plein midy, si ie publiois Vostre Ver-
 tu, puis qu'elle est si exemplaire & re-
 cognüe de tout le Monde, que lors
 qu'on parle de vous, on n'en dict autre
 chose, sinon que vous vivez en Terre
 aussi Sainctemēt, que les Bien-heureux
 font au Ciel; & que vous estes en quel-
 que façon plus heureux qu'ils ne sont
 pas, en ce que vous adjoustez tous les
 jours, & à tous moments à Vostre Feli-
 cité, des degrez d'une Gloire surabon-
 dante, que vous meritent les gran-
 dissimes Charitez & Liberalitez, que

EPISTRE.

vous exercez enuers toutes sortes de souffreteux, qui patissent sous les miseres d'une affreuse mendicité; ne vous contentant pas seulement d'assister ceux qui aux yeux du Monde apparoissent & sont tels; mais ayant des Personnes Pieuses, qui ont charge de sçauoir secrettement les vrayes Pauures, que la honte retient de produire publiquement l'estat pitoyable de leur pauureté. Paris sçait, MONSEIGNEVR, comme il a veu autres fois l'Eglise de sa Sainte Patrone; & ne sçait aujourd'huy si il vous en doit donner le Tiltre de Fôdateur. Celuy qui est à Sainte Geneuiefue cherche l'Eglise de Sainte Geneuiefue au milieu de l'Eglise de Sainte Geneuiefue. La Vie Religieuse qui est maintenant par vostre moyen si estroitement obseruée en ceste tant celebre Abbaye, prouoque tous ceux qui le visitent à se conuertir à Dieu. La Superiorité Ab'atiale, qui sera cy apres electiue

EPISTRE.

entre les Religieux, aduertit non de parole, mais d'effect, ceux qui joiissent de pareille dignité, de ce qu'ils doiuent faire, pour operer leur Salut avec assurance en leur charge. Personne ne peut auoir l'honneur de Vostre Veüe, qu'il ne recognoisse en Vostre Visage le Portrait de la Saincteté représenté au vif & au naturel. Personne ne sçait Vos Exercices de Deuotio, qu'il ne soit contrainct d'aduouer, que vous estes le Uray Miroüer de Pieté. Personne ne vous cognoist, qu'il n'estime que vous estes quelque chose plus que n'est l'homme, & que vous estes vn Esprit Bienheureux, qui reuestu du corps d'vn homme apprend aux hommes à viure la Vie des Saincts. Le Fils de Dieu a voulu autres fois prendre la Nature de l'homme, pour rachapter & sauuer l'homme, qui s'estoit perdu & liuré à la mort par son peché: & Dieu a voulu qu'en nostre Siecle corrompu & plein

EPISTRE.

de vices, de miseres & de pauuretez,
vous prinsiez naissance, pour enseigner
aux hommes à renoncer aux vices, à
embrasser la vertu, & à faire des fruiçts
dignes de penitence, pour participer aux
fruiçts de la Passion de Iesus Christ.
Vous enseignez, MONSEIGNEVR,
ceste Doctrine non seulement de Vne
Voix, mais aussi par toutes les Actions
vertueuses que vous faictes, lesquelles
comme vous le commencez en Dieu &
pour Dieu, aussi vous les acheuez en
Dieu, pour la gloire de Dieu, & pour
l'instructiõ des hommes. Pleust à Dieu
que sa Sainte Eglise fust esclattante
de quantité de tels Docteurs ! Pleust à
Dieu qu'elle fust brillante de beaucoup
de telles Lumieres ! Pleust à Dieu qu'en
vous & sur vous, ceux qui la gouver-
nent se reglassent, pour se conformer à
la Vie de vostre Maistre & du leur !
& à celle fin que les Peuples, qui leur
sont soumis, eussent tousiours devant

EPISTRE.

les yeux, quelques Exemples de Vertu
 & de Saincteté à imiter : mais pleust
 à Dieu, MONSEIGNEVR, que
 vous deussiez si long temps enseigner,
 comme vous faictes, que tout le Mon-
 de fust par vous conuertý a Dieu, &
 qu'ayant ouuert le Ciel a tous les hom-
 mes, ils allassent deuant vous jouyr de
 la Gloire, qui leur est preparée, si tant
 est qu'ils vous imitent; & que vous
 fussiez le dernier, qui fissiez le nombre
 des Bien-heureux, en la Mansion subli-
 me & éluee, qui vous est deüe au des-
 sus de celles de tous les autres hommes.
 Lors seulement MONSEIGNEVR,
 ie vous souhaitteroís le Paradis, car ne
 pouuant plus profiter aux hommes,
 vous deuriez aller jouyr avec les hom-
 mes, de la Beatitude Eternelle, qui est
 pour vous, & pour les hommes qui
 Vous imiteront & viuront comme
 Vous. Lors seulement voudrois-je que
 vous augmentassiez la Gloire des An-

EPISTRE.

ges & des Ames Fortunées , quand il ny auroit plus personne, qui peust tomber dans les pieges de l'Ennemy juré du Genre humain. Si cette priere, MONSEIGNEVR , que je fais a Dieu pour Vous , semble estre en quelque façon à aucun non receuable, ny faisable; toutesfois elle est juste, & seroit il a souhaiter, qu'elle fust impetrable. Que si le Decret Eternel est que le Monde dure encore plusieurs siecles , qu'il luy plaise, pour la Gloire de son Saint Nom: pour la splendeur de son Eglise , pour la conuersion des pecheurs , & pour la consolation des pauvres affligez , de vous prolonger la Vie , autant qu'il a faict aux Saints Patriarches de l'ancien Testament , par l'usage du Baulme des Astres, qu'ils attiroient, receuoient & vniissoient avec le Corps le plus Parfait, que le Ciel eust engendré au Centre de la Terre. Je vous descouvre MONSEIGNEVR , clairement le

EPISTRE.

Subject & la Matiere de ceste Excellente Medecine, & vous declare tout ce qui se passe en son Operation: a ce que contribuant pour la conseruation de Vostre Santé tout ce qui est en moy, ie puisse estre participant de quelque eschantillon de la Gloire, que vous vous acquerrez a tout les instants, que vous respirez, & merite le tiltre de me dire,


MONSEIGNEVR,

Vostre tres-humble, tres-obeyssant
& tres-affectionné seruiteur.

JEAN COLLESSON.



I
OBSERVATIONS
*pour l'intelligence des Prin-
cipes & Fondements de la
Nature , & de la Philoso-
phie Hermetique.*

I  L y a deux voyes assurees par lesquelles on peut arriuer à la cognoissance des Principes des choses : la premiere est celle de la Composition , & l'autre celle de la Resolution. Il ny a point de doute que l'une & l'autre ne soit certaine , attendu que par la Composition on sçait d'une cognoissance antecedente les parties qui constituent la chose ; & que par la Resolution on apprend par

2 *Observations sur l'Idée*
expérience & d'une science postérieure de combien de Principes & parties le mixte est composé.

II On ne peut sçavoir d'une connoissance antecedente quels ont esté les Principes de la fabrique du Monde & composition des choses: car personne n'assistoit à la Sapiënce Eternelle, lors qu'elle les crea de Rien: mais on les cognoist infalliblement par l'Ecriture Sainte, par ce qu'en ont laissé à la Posterité les Philosophes Illuminez, & par les Experiëces & Resolutions des Corps Parfaicts Metalliques, que font les vrais & fidelles Enfants de la pure & sincere doctrine.

III Moyse, Esdras, S. Pierre, Mercure Trismegiste, Thales, Milesien, Heraclite, Hesiodé, Hippocrates & les Chymistes par leurs Experiences & Resolutions enseignent que l'Eau a esté la Matiere Vniuerselle de toutes

choses, & que l'Esprit ou Feu Vif de Nature en a esté la Forme Generale.

IV La Matiere seule sans l'Esprit, et l'Esprit seul sans la Matiere ne pouuoïent rien cōposer, & n'eussent seruy aucunement pour la structure, composition, distinction & diuersité des parties de l'Vniuers, ny des choses naturelles, si le tres sage Createur n'eust marié ces deux Principes ensemble, lors qu'il les eust créé de Rien, par sa toute puissance: à cause dequoy le diuin Hippocrates enseigne au commencement *du liure premier de Dieta*, que tous les Animaux sont composez d'Eau & de Feu: que ces deux substances alliées l'une à l'autre fussient pour toutes choses, & mutuellement à elles mesmes; & que separées l'une de l'autre elles ne fussiet ny a elles mesmes, ny à aucune autre chose. *Const. tuuntur*, dit-il, *quidē igitur tūm Animantia*

4 Observations sur l'Idée
*alia omnia, tùm homo ipse ex duobus
differentibus quidem facultate, concor-
dibus verò & commodis usu, Igne in-
quam & Aquâ. Hæc autem ambo si-
mul sufficientia sunt tùm alijs omnibus,
tùm mutuò sibi ipsis. Vtrumvis verò
seorsum, neque sibi ipsi, neque ulli alteri
sufficiens est.*

V Selon la diuerse actuation &
information que l'Esprit fist en la
Matiere, non seulement le Macro-
cosme a esté distinct en diuerses par-
ties & estages, qu'on appelle com-
munement Ciel, Air, Eau & Terre;
mais aussi les prochains Principes
des Corps Naturels ont esté consti-
tuez. Or comme on peut dire qu'un-
iuersellement toute la Substance
Materielle du Chaos a esté diuisée en
Cinq Portiôs, desquelles les Trois Su-
perieures fôt le Globe Celeste, diuisé
en Trois Cieux, sçauoir en l'Empyré,
l'Etheré, & l'Aerien, differents les

vns des autres selon que leur Matiere est plus ou moins subtile & rarefiée, à cause qu'elle est plus ou moins actüée & informée de l'Esprit ; & les Deux autres Portiös Inferieures font le Globe Elemétaire composé d'Eau & de Terre, qui ne font que les Matrices & Receptacles des Semences, qui leurs söt enuoyées des Corps Celestes. à cause que sans les Semences & Influences Celestes, elles ne font que des Corps Morts, steriles & inutiles : on peut aussi avec analogie & correspondance establir de la mesme Matiere Premiere, actüée & informée en trois diuerfes façons de l'Esprit, les trois Principes des Chymistes, qui selon leur doctrine composent prochainement & immediatement toutes choses : & celuy qui participera plus de l'Esprit & moins de Matiere pourra estre appellé Mercure, & respondra au Ciel Em-

pyré: l'autre qui aura moins d'Esprit & desia plus de Matière, mais avec proportion anatique de matière & d'Esprit, fera nommé Soulfhre, & conuiendra avec le Ciel Etheré: & le troisiésme qui aura plus de Matière que d'Esprit aura le nom de Sel, & pourra estre comparé au Ciel Aërien. Pour ce qui est des deux diuerses substances matérielles, que les Chymistes récontrent en la Resolution des Mixtes, apres qu'ils en ont separé les trois susdits Principes; desquelles l'une est Aqueuse, qu'ils nomment Phlegme, & l'autre est Terre-estre, laquelle ils appellét Terre Dam-née, elles respondent à l'Eau & à la Terre, qui composent le Globe Elementaire, & ne meritent le nom de Principe, veu qu'elles ne sont que les Matrices Receptacles, les Lieux & les Escorces des Principes, sans lesquels elles sont sterilles, inutiles & infe-

de la Philosophie Hermetique. 7

condes, n'ayants aucun pouuoir ny actiuité de produire la moindre chose que ce soit.

VI La Matiere n'est aucunement Actiue, & ne peut causer aucū mouuement de generation: l'Esprit seul est celuy qui fait & produict toutes choses en la Matiere. C'est pourquoy on luy attribué à bonne raison le nom de Feu & de Nature, entant que la Nature ou le Feu est ce qui meut toutes choses. *Ignis*, dit Hippocrates au liure cy-dessus, *rite omnia per omnia mouere potest*.

VII La Matiere Premiere est Actiue selon les Philosophes Hermetiques, d'autant qu'ils ne la considerent pas selon ses seuls attributs essentiels, mais entant qu'elle est actüée & informée d'Esprit ou du Feu Vif de Nature. C'est pourquoy conformément à Hippocrates, ils enseignent que le Feu ne subsiste pas se-

8 *Observations sur l'Idée*
paré de l'Eau.

VIII La Matiere Premiere des Chymistes cõtient les trois Principes hypostatiques de toutes choses ; & ils la nomment Principe Vital , & Réel de toutes choses , Mercure de Vie, Baulme de Nature, Mumie Balsamique, Humide Radical & Primitif, & de plusieurs autres noms.

IX Chaque chose appete sa conservation & multiplication : & de faict se conserve & multiplie par le benefice de son Esprit Seminal , qui douïé de la Science & de l'Idée de sa propre Espece, attire à soy par sympathie, & digere vne substâce humide, teinte & aëtüée d'Esprit, laquelle il se rend homogene & cõnaturelle, pour se cõserver, nourrir, & auoir dequoy multiplier son Espece.

X Toutes les Matieres Particulières, & toutes les Formes qui les actuent deriuent de la Matiere Premiere

miere Vniuerselle & de l'Esprit General de toutes choses. Car Dieu n'ayant creé que deux Principes Vniuersels pour la composition de toutes choses, il faut que tous les Mixtes en participent; & que comme leur Matiere n'est qu'une Portion & Particule de la Matiere Premiere Vniuerselle, aussi leur Forme soit vn Rayon de l'Esprit General du Monde.

Il faut toutesfois excepter les Formes Raisonnables des Hommes: car elles ne tiennent rien ny du Principe Materiel, ny du Principe Formel des choses: ains comme elles sont créées immédiatement de Dieu particulieres pour tous les hommes singuliers, il faut aussi croire, qu'elles sont d'une substance plus noble & plus excellente que ne sont les deux Premiers Principes des choses naturelles. C'est pourquoy toutes les Formes des dif-

ferents Composés qui sont aux trois Familles de la Nature sont des Rayons de Feu Celeste, ou de l'Esprit General du Monde : Mais les Ames Raisonnables sont des Emanations du Feu Surceleste, & des Rayons de la Diuinité.

XI. Tout l'Empire de Nature a esté diuisé par le Tout puissant Architecte des choses, en trois Regnes differents, desquels le Premier contient les Animaux, le Second les Vegetaux, & le Troisieme les Mineraux.

XII. En chaque Regne de l'Empire de Nature, il y a plusieurs Individus de diuers Genres & Especies, qui tous peuuent conseruer leur Espece, & la multiplier par generatiō, au moyen de leurs propres Semences & Formes.

XIII. C'est estre peu sçauant en la Nature d'estimer que les Me-

de la Philosophie Hermetique. Il
taux Parfaicts n'ayent la vertu d'atti-
rer à eux vne Substance Pure, qui
augmente leur Semence & Humide
Radical. Il est vray que communé-
ment hors des Minieres, on ne void
pas que les Metaux vegetent & se
multiplient, neantmoins ils ont le
pouuoir de ce faire. Les vrais Philo-
sophes n'ignorent pas l'Artifice de
les faire vegeter, multiplier, les ani-
mer surabondamment, les dissoudre
& les rendre plus que Parfaicts, sans
addition d'aucune Matiere, qu'ils
prennent ou preparent d'aucune
substance qui soit renfermée en quel-
qu'une des trois Familles de Nature.
Ils cognoissent le Principe Vniuer-
sel Vital & Réel de toutes choses, ils
en cognoissent la source, ils vivent
de l'Eau Ignée de ses ruisseaux, ils la
püissent quand il leur plaist, sans se
moüiller les mains, ils la separent in-
dustrieusement de l'humidité phleg-

matique qui luy sert d'Ombre & de Matrice ; & avec ceste Celeste Liqueur Vniuerselle & Indeterminée, ils menent les Corps Parfaits Metaliques à telle exuberance de perfection, qu'ils peuuent par projection en dose tres-petite, donner la perfection qui manque aux Metaux Imparfaits.

XIIII La mesme Matiere qui augmente l'Humide Radical des Animaux & Vegetaux , multiplie aussi celuy des Metaux Parfaits. Celuy partant qui sçait comment & d'où il se nourrit & entretient sa vie , & qui cognoist de quelle Substance le Grain qui est jetté en terre multiplie à la quantité qu'il fait, n'est pas bien esloigné de la Matiere du diuin Oeuure des Philosophes. Mais quiconque cognoist que les Animaux ne viuent & ne se multiplient pas tant des viandes & breuages

de la Philosophie Hermetique. 13

dont ils vsent, que de l'Esprit Inuisible, qu'ils attirent & respirent avec la Pure Substance Aérienne, est fort proche de ce qu'il doit prendre, pour faire Vegeter les Metaux Parfaits, & augmenter leur Humide Radical: & seulement luy reste il de prier Dieu de bon cœur, à ce qu'il luy plaise luy enseigner ou secrettement, ou par la lecture des liures des Sages, le moyen de rejeter le Corps qui fait Ombre, & qui couure l'Humide Radical Macrocosmique, qui est diffus & espars par toute la Nature, ayant toutes fois só siege & demeure principale aux Corps Superieux, & sur tous en ceux du Soleil & de la Lune.

XV L'Humide Radical Macrocosmique est composé de deux parties: l'Interieure ou la Formelle est l'Esprit General du Mōde, qui n'est encore determiné dedans aucune Semence particuliere des diuers Com-

posez Naturels : l'Exterieur ou la Materielle est vne Partie de l'Eau Primitiue grandement rarefiée , & reduicte quasi à vne condition spirituelle , qui ne fait & n'a fait encore aucune Partie Materielle des Principes prochains, dont tous les Mixtes sont composez .

Quelques vns considerants l'Interieur de l'Humide Radical Macrocosmique selon ses attributs essentiels, sans aucune relation à la Matiere qu'il informe & actüé, luy donnent le nom d'Esprit Vniuersel du Monde : & d'autre part conceuants l'Exterieur du mesme Humide Radical Macrocosmique, selon ce qu'il est , sans auoir aucun esgard à l'Esprit duquel il est actüé & informé, l'appellent Matiere Premiere Vniuerselle de toutes choses : Mais lors qu'ils font vn Composé des deux, ils le nomment l'Ame Generale du

de la Philosophie Hermetique. 15
Môde, & la Matiere Premiere Acti-
ue des Hermetiques. Les noms ne
doiuent estonner ny arrester ceux
qui veulent s'aduancer en la Pure
Philosophie. Je traicteray, Dieu
aydant, de ces choses plus ample-
ment en mes Nouuelles Pensées de
la Philosophie Naturelle, où ie feray
voir, qu'il ne faut distinguer l'Esprit
de l'Ame, que ces deux mots sont
synonymes, & que l'Esprit ou l'Ame
à esté immediatement vnice à la Ma-
tiere, sans aucune Substance Moyenne,
qui participast de la Nature de
l'Esprit, & de celle du Corps ou de
la Matiere.

XVI. Les Philosophes qui ont
dit que l'Or & l'Argent Vulgaires
n'estoient pas l'Or & l'Argent des
Philosophes, ont dit vray; & ce pen-
dant ils ont esté cause, que plusieurs
de ceux qui trauaillent à la recher-
che de la Science Transmutatoire se

trompent au choix qu'ils font de diverses Matieres phantastiques, qu'ils s'imaginent & soustiennent opinastremét, estre l'Or Vif, & l'Argét Vif des Philosophes. Tandis que l'Or & l'Argent Vulgaires demeurent en leurs Formes exterieures compactes Metalliques, il est certain qu'ils ne font aucunement l'Or Vif & l'Argent Vif des Philosophes : mais lors qu'ils ont perdu leurs Formes exterieures compactes Metalliques, ayáts esté animez, viuifiez, spiritualisez & dissoults par le Mercure des Philosophes, qui est l'Humide Radical Macrocosmique, & la Matiere Premiere Actiue des Philosophes Hermetiques, indubitablement l'Or & l'Argent Vulgaires ont perdu le nom de Vulgaires, & ont pris le nom d'Or Vif, & d'Argét Vif des Philosophes. Aussi l'Or Vif & l'Argent Vif des Philosophes descendent de l'Or & de

de la Philosophie Hermetique. 17
de l'Argent Vulgaires, apres qu'ils
ont esté animez, viuifiez, spiritüali-
sez & dissoults (comme dit est) par
le Mercure des Philosophes. Pour
confirmer mon dire, ie me seruiray
seulement icy de l'autorité d'un
Philosophe Anonyme, au *Quatriesme*
Tome du Theatre Chymique, feüillet
634. par laquelle on cognoistra que
l'Or Vif & l'Argent Vif des Philo-
sophes descendent de l'Or Vulgaire
Mort, & l'Argent Vulgaire Mort,
apres qu'ils ont esté viuifiez & ani-
mez du Mercure des Philosophes.
'Prudenter (dit il) animaduertendum
est, Sapientes in suis scriptis manifesta
sepè Sophismata posuisse, ut deterrerēt
Idiotas, vel per similitudines, & indi-
stinctè sapissimè locuti sunt: Ut cū
dicunt; Aurum Nostrum non est Au-
rum Vulgi, quia Aurum Nostrum Vi-
uum est, Aurum Vulgi Mortuum est.
Vera sunt utraque, at non interue-

niente distinctione Lector incautus decipitur. Quia Aurum Vivum descendit ab Auro Mortuo, ut & Raymundus aperte testatur. Non igitur excluditur Aurum Vulgi: Quia sicut Ignis est Principium Igniendi, sic quoque Aurum Principium est Aurificandi. C'est à dire, Il faut prudemment prendre garde que souventesfois les Sages ont mis en leurs escripts des Tróperies manifestes, à celle fin qu'ils destournassent & empeschassent les Idiots & simples gents, ou tres-souvent ils ont parlé par similitudes & indistinctement, comme lors qu'ils disent; Nostre Or n'est pas l'Or Vulgaire, car Nostre Or est Vif, & l'Or Vulgaire est Mort, d'autant que l'Or Vif descend de l'Or Mort (Vulgaire) ainsi que le tesmoigne apertement Raymond Lulle. C'est pourquoy on n'exclud pas l'Or Vulgaire: Car comme le Feu est le Principe d'allu-

de la Philosophie Hermetique. 19

mer ou de faire du Feu, de mesme
aussi l'Or est le Principe d'Oriflier
ou de faire de l'Or.

Qu'on tienne doncques pour as-
seuré que les Metaux Parfaits sont
l'Or & l'Argent Vif des Philoso-
phes, apres qu'ils ont esté viuifiez &
dissoults Philosophiquement; & que
sous leurs dures escorces ils cachent
leurs Semences, qui seules peuuent
introduire la Forme d'Or & d'Ar-
gent dedans les Metaux Imparfaits,
lors que leurs Semences ont esté ti-
rées par la vraye Dissolution Philo-
sophique. Les liures des Sages ne di-
sent autre chose, mais il faut les en-
tendre, & les expliquer de la for-
te qu'il faut; ce que j'ay fait en
l'Alliance du Ciel avec la Terre,
pour l'Etablissement de la Philoso-
phie des Anciens.

XVII. Combien que l'Or &
l'Argent Vulgaires soient ce qu'il

faut prendre pour faire les Oeuures Blanc & Rouge des Philosophes, si est-ce toutesfois qu'on ne les prend pas comme les Matieres des Pierres Blanche & Rouge des Philosophes, ains seulement comme les Subjects Formels, qui déterminent & attirent à eux la Matiere Vniuerselle de toutes choses, qui en soy estant Indeterminée à estre cecy ou cela, à cause qu'elle n'a rien de particulier, deuient en l'Or Vulgaire la Matiere de la Pierre Rouge, & en l'Argent Vulgaire la Matiere de la Pierre Blanche. Le Commentateur du Cosmopolite enseigne cecy clairement en sa Preface, page 15. *Siquidem Naturaparens omnes res generat & multiplicat in Duobus, Mare scilicet & Fœminâ, seu Agente & Patiente : Ideo necesse erit, vt hac in re Ars imitetur Naturam. Artis itaque hujus Agens seu Forma erit prædictum Semen Au-*

de la Philosophie Hermetique. 21
ri, quod ad multiplicationem sui assimilat sibi Materiam. Patientis verò ac Materiae, quæ multiplicat & exaltat, Tincturam Fermenti, vicem feret Mercurius ille, quem Suum dixerunt Philosophi. C'est à dire, Dautant que Nature engendre & multiplie toutes choses en Deux, sçauoir au Masle & en la Femelle, ou en l'Agent & au Patient. C'est pourquoy il sera necessaire, qu'en ceste Science Transmutatoire, l'Art imite Nature. Par tant l'Agent ou la Forme de cét Art sera la susdite Semence de l'Or, laquelle pour sa multiplication attiré à soy & s'assimile la Matiere. Mais le Patient ou la Matiere qui multiplie & exalte la Teincture du Ferment, sera le Mercure, qui est nommé Mercure des Philosophes.

XVIII. Le Mercure des Philosophes, ou la Matiere Commune à la Pierre Blanche & à la Rouge des

Philosophes est en tous lieux. Elle contient le Mercure, le Soulfre, & le Sel de Nature. C'est la Nature mesme, & l'Ame Generale du Monde, combien qu'à proprement parler, à l'Esprit seul Inuisible, qui est l'Interieur & la Partie Formelle du Mercure des Philosophes, on doive attribuer les Noms de Nature, & d'Ame du Monde; Mais dautant que iamais l'Interieur n'est sans l'Exterieur, de là les Philosophes Hermetiques ont pris la licence de nommer les deux, Nature & Ame du Monde. Le Mercure des Philosophes est vne Eau Celeste, Solaire & Lunaire. Tout le Monde la void, mais il y en a fort peu qui la cognoissent. Tout le Monde vit en la Mer Pontique des Philosophes, mais tout le Monde n'en sçait pas extraire l'Eau Pontique, qui ne mouille point les Mains, & laquelle dissout l'Or & l'Argent Vulgaires

de la Philosophie Hermetique. 23
aussi Naturellemēt que l'eau chaude
fait la glace. Voyez Monsieur d'Es-
pagnet, le Cosmopolite, & mon Al-
liance du Ciel avec la Terre, & mes
Nouvelles Pensées de la Philosophie
Naturelle.

XIX. C'est se tromper lourde-
ment, & ne sçauoir rien en la Philo-
sophie Hermetique, que de croire
qu'on puisse Extraire le Mercure des
Philosophes d'aucune Substance
Animale, Vegetable, Minerale, Me-
tallique, de la Pluye, de la Rosée,
d'aucune Eau Visible, & du Corps
de la Terre. En plusieurs des choses
suscitées il est spécifié, & aux autres il
ne l'est pas; mais ny des vnes ny des
autres on ne sçauroit Extraire le
Vray Mercure des Philosophes. C'est
pourquoy le Commentateur du
Cosmopolite dit tres-veritablemēt
& clairement en sa Preface, page 16.
Sicuti Semen Auri in primâ sua gene-

24 Observations sur l'Idée
ratione ex Influentiâ Cœlesti ortum
suum traxit: Ita & ad Regenerationem
Multiplicationemque ejus Mercurium
Philosophicum ex Radijs Solis &
Lunæ, aliarumque Stellarum mutuari,
petiq; oportere, dicitur Naturalis Ra-
tio. Hic itaque erit Soluens, Illud Sol-
uendum: Hic est Volatilis, Alrerum
Fixum. Ex quorum conjunctione nas-
citur nobis Nobilissimus & Regius ille
Infans Filius Solis. C'est à dire, Côme
la Semence de l'Or a tiré son origi-
ne en sa premiere generation de
l'Influence Celeste, aussi la Raison
Naturelle dicté, que pour sa Regene-
ration & Multiplication il faut em-
prunter & extraire le Mercure Phi-
losophique des Rayons du Soleil &
de la Lune, & des autres Estoilles.
Partant ce Mercure fera le Dissoluët:
l'Or sera ce qu'il faut dissoudre. Ce
Mercure est Volatil, l'Or est Fixe: de
la Conjonction desquels nous naist

de la Philosophie Hermetique. 25


ce tres-Noble & Royal Enfant le Fils
du Soleil. Et le mesme pour confir-
mer son dire, cite vn Passage de son
Auteur le Cosmopolite, en la page
50. *Nulla (dit-il) alia Aqua, neque
Fontis, neque Fortis, neque ex Varijs
rebus elicita ad hoc opus, utilis est, sed
omnes Venenosa, nisi hauriatur à Ra-
dijs Solis & Luna, vi Magnetis aut
Chalybis nostri. Nomen ejus proprium
est, Aqua Maris Nostri, & Aqua Vite
non madefaciens Manus.* C'est à dire,
Il n'y a point d'autre Eau, ny de Fon-
taine, ny Forte, ny tirée de diuerses
choses, qui soit vtile à cét Oeuure.
Mais elles sont toutes Veneneuses, si
elle n'est tirée des Rayons du Soleil
& de la Lune, par la force de nostre
Aymant, ou de nostre Acier. Son
propre nō est l'Eau de Nostre Mer,
& l'Eau de Vie qui ne mouille point
les Mains. Ce passage du docte Sen-
diuogius n'enseigne pas seulement

d'où il faut auoir l'Eau & le Mercure des Philosophes; mais de plus il declare qu'on ne le peut Extraire que par le moyen de l'Aymant & Acier Philosophique.

XX. L'Or & l'Argent Vulgaires sont les Aymants & Aciers Philosophiques, avec lesquels on Extraict le Mercure des Philosophes des Corps Celestes, desquels ceste Viuifique & Nourriciere Liqueur découle incessamment au trauers de l'estenduë vaste Aërienne, pour viuifier, conseruer, entretenir, & multiplier l'Humide Radical, la Substance Balsamique, les Principes & les Semences particulieres de tous les Composez Naturels, qui sont aux trois Familles de l'Empire de Nature. C'est ce qu'expressément enseigne l'Expert Cosmopolite, en l'Epilogue de ses douze Traictez. *Aqua, dit-il, Nostra Pōtica coagula-*

de la Philosophie Hermetique. 27
*tur in Sole & Lunâ, & extrahitur è
Sole & Lunâ Chalybe nostro, Artifi-
cio Philosophico, miris modis per pru-
dentem Artis Filium.* C'est à dire, No-
stre Eau Pontique est Coagulée de-
dans le Soleil & dedans la Lune, &
on l'Extraict du Soleil & de la Lune
auec nostre Acier en des manieres ad-
mirables, par l'Artifice Philosophiq^e
du Prudent Fils de l'Art. Il est donc-
ques impossible sans l'Or & sans
l'Argent Vulgaires d'auoir le Mer-
cure des Philosophes: Car iceluy es-
tant Réellement Identifié, & vne
mesme chose auec les Influences Ce-
lestes, qui sont toutes Vniuerselles,
iamais on ne le pourra auoir propre
pour l'Oeuure Philosophique, si ce
n'est par le moyen des Corps Par-
faiçts Metalliques, preparez comme
il faut pour cét effect.

Dictum Sapienti sat est.



MEDITATION

*Sur les Mysteres de la Sapi-
ence Divine & Humaine.*



'Acheuois la derniere
des precedentes Ob-
servations en resolu-
tion d'y finir sans y
adjouster autre cho-
se, puis que ie les estimois suffire a-
bondamment pour l'Intelligence
des Principes & Fondemens de la
Nature, & de la Philosophie Her-
metique, de laquelle il y a quelque
temps que j'auois mis en lumiere
l'Idée Parfaicte. ou l'Abbrege, lors
que ie demeuray tout court estonné
de la grande Bonté que Dieu mon-
stre, & a tousjours monstré à l'Hôme

la plus Noble, mais la plus ingrate
de toutes ses Creatures. Bon Dieu,
pensois-ie à part moy, quand l'Hom-
me n'estoit pas, vous vouliez le faire à
vostre Image & Semblance, & luy
bastir vn Monde pour sa demeure.
A son occasion vous meditiés à créer
les Anges qui luy annonçassent vos
volontez, qui luy fussent Tutelaires
& Gardiens assidus; ausquels deuiez
donner commandement expres de
le deffendre à l'ncontre de tous ses
Ennemis, & de prendre tousiours
garde qu'il ne vinst à chopper, & à
se heurter le pied à quelque pierre,
d'où il se bleffast & receust quelque
mal. Vous diuifiiez pour luy le Mon-
de en deux Globes, au Celeste, & au
Terrestre, à celle fin que l'ayaut pla-
cé au Terrestre comme au Centre
des Corps, vous fîsiez rouller inces-
samment le Celeste à l'entour, pour
luy conseruer la Vie, & l'entretenir

30 *Meditation sur les Mysteres de la*
en Santé par les bonnes Influences
qu'il luy enuoyeroit à tous mométs.
Auant que le Formassiez du Limon
de la Terre, & que l'Animassiez de
vostre Souffle Diuin, vous auez au
prealable créé les Principes des Cho-
ses, & d'iceux composé diuerses sor-
tes de Fleurs, quantité d'Arbres Frui-
ctiers, & vne infinité de Plantes qui
poussioient hors de la Terre, qui em-
bellissoient sa surface, pour resiouyr
ses Sens Exterieurs, & pour luy ser-
uir de Nourriture. L'Homme n'exis-
toit pas encore, & cependant vous
remplissiez l'Air de differentes Espe-
ces d'Oiseaux, la Mer d'une infinité
de Poissons, & la Terre de tant de
manieres d'Animaux, que vous tes-
moigniez bien dès là l'affection que
vous portiez à celuy, pour lequel
vous faisiez tant de Miracles. Tant
de Creatures, Mon Dieu, n'estoient-
elles pas rauies de vostre Toute-puif-

fance? n'admiroient-elles pas vostre Sageſſe? mais ne ſongeioient-elles point qu'elles eſtoient faites pour quelque Grand Roy, la venuë duquel eſtoit fort proche, auquel elles deuoient eſtre ſoubmises & ſubjettes, apres que l'auriez créé & mis en poſſeſſion de la Monarchie Vniuerſelle du Monde, & de toutes choſes?

En fin, Mon Dieu, vous faites vostre Chef-d'Oeuure, & pour terminer la Creation vous monſtrez que vous eſtes vn Maistre tres-ſçauât, faiſant vn Raccourcy & Epitome de tout ce qu'auparauât vo⁹ auiez créé, compoſé & produiât. Adam l'Homme qui n'eſtoit tâtoſt Rien, eſt maintenant Quelque Choſe. Mais quelle Choſe Mon Dieu? Le Roy de toutes Choſes; L'Abbrege de toutes Choſes; auquel toutes Choſes obeiſſent, puis qu'en luy ſont toutes Choſes, &

32 *Meditation sur les Mysteres de la*
que toutes Choses ont esté créées &
faictes pour luy. O Adam Homme
quelle Chose n'es-tu pas ? Tu es
faict à l'Image de Dieu, qui a fait tou-
tes Choses. Tu as son Saint Esprit &
l'Image de sa Diuinité. Tu as vne A-
me d'aussi noble Substance que celle
des Anges. Tu as du Ciel Vn Rayon
de l'Esprit Vniuersel du Monde en
toy, qui formera le Corps de plu-
sieurs Enfans semblables à toy, aupa-
rauant que l'Ame Raisonnable y
soit infuse, doiïée & enrichie de l'I-
mage de Dieu, qui a esté auant tous
autres en toy. Tu as de l'Air vne Por-
tion Subtile, qui loge les Esprits Vi-
taux & Animaux qui te font viure,
mouuoir, & sentir. Tu as de l'Eau &
de la Terre vn Corps si bien organi-
sé, & d'vne si excellente compo-
sition, qu'on n'en peut considerer la
Fabrique, sans admirer & louer la
Sagesse de Celuy qui te l'a faict, &
donné.

donné. Tu tiens de Dieu l'Image de la Diuinité : tu as avec les Anges la Raison, l'Intelligence & la Volonté : avec les Animaux le Sentiment & la Vertu d'engendrer : avec les Vegetaux & Metaux la faculté de vegeter : & avec les Estres purement Materiels , la Substance de ton Corps qui de soy n'est qu'un Estre purement Materiel. C'est donques Adam à bonne Raison qu'on te nomme Microcosme ou Petit Monde , puis que tu es composé d'autant de Parties que l'est le Macrocosme ou Grand Monde ; & de plus qu'il n'y a au Monde aucune Chose, de laquelle tu ne tiennes quelque Chose. Commande partant à toutes Choses, sois Maître de toutes Choses, qu'à toy obeïssent toutes Choses ; mais souuiens-toy d'obeyr à Dieu, qui t'a fait vne si Noble Chose, & pour toy l'Vniuersité de toutes Choses. Dieu ne te de-

34 *Meditation sur les Mysteres de la*
mande autre recompense ny reco-
gnoissance de toutes les graces & fa-
ueurs qu'il t'a daigné faire, sinon que
tu cognoisse & monstre par effect
en luy obeyssant, qu'il est Celuy qui
pour toy a créé toutes Choses, & toy
pour Luy. La marque de ceste Reco-
gnoissance sera si tu ne mange point
du Fruict de Science, qui est au mi-
lieu du Paradis Terrestre. Il y en à
plusieurs autres de diuerses sortes,
desquels tu peux librement vser à
telle heure qu'il te plaira: mais Dieu
te deffend de toucher au Fruict de
Science: c'est son plaisir: il est ton
Maistre & ton Souuerain; quoy
qu'il en soit, il veut que tu luy obey-
se en ceste chose: & si tu te monstre
mescognoissant, ingrat & refra-
ctaire à son Commandement, c'est
fait de toy, ton Arrest est prononcé,
la Sentence de Mort est fulminée
contre toy. *Ex omni Ligna Paradisi*

comede: de Ligno autem Scientiæ Beni & Maline comedas. In quocumque enim die comederis ex eo, morte morieris. Qu'arriue-il? le Serpent suborne Eue la Femme d'Adam, elle la pippe cognoissant sa foiblesse, & luy fait accroire que si elle mange, & persuade à son Mary de manger de ce Fruict deffendu, qu'ils verront clair, que leurs yeux seront ouuerts, qu'ils seront comme des Dieux, & sçauront le Bien & le Mal. L'Ambition monte à la teste d'Eue; le desir de sçauoir la saisit, & voulant estre plus qu'elle n'estoit, elle contemple la beauté du Fruict prohibé: il luy semble beau & bon: elle en prend: elle en mange: & induict son Mary à en faire autant. Ny l'Amour qu'Adam deuoit tesmoigner à son Dieu pour tant de biens qui luy auoient esté faits, ny la craincte de la Mort de laquelle il estoit menacé en transf.

36 *Meditation sur les Mysteres de la*
gressant le Precepte Diuin, n'eurent
pas la force de le retenir en son de-
voir. Il ne se soucie du Commande-
ment de son Createur : Il se laisse al-
ler aux cajoleries artificieuses de sa
Femme : & mord dedans la Pom-
me qu'elle luy presente. O Pauvre
Adam qu'as tu fait ? Tu as transgres-
sé l'Ordonnance de Dieu : mais tu
en mouras : & au lieu que tu deuois
viure tousiours sans rien sçauoir ia-
mais des rigueurs de la Mort, tu en
passeras le pas. Tu as esté tiré de la
Terre, mais tu retourneras en Terre :
& encore auant que tu y prene part,
tu n'en viuras que par trauail, & à la
sueur de ton Visage.

Dieu tout offensé qu'il estoit, par
la desobeyssance d'Adam, pouuant
iustement à l'instant du Peché com-
mis le reduire au neant, & quant &
quant en despy de luy tout ce qu'il
auoit créé & fait en sa faueur, ensei-

gne neantmoins à son Pauvre Criminel vn moyen de se prolonger la Vie, & retarder sa Mort Corporelle & Temporelle: car de toute Eternité il auoit des-ja decreté l'Incarnation de son Verbe Diuin, pour le sauuer & garantir de la Mort Spirituelle & Eternelle.

Mon Dieu, que grande est vostre Bonté! qu'excessif est l'Amour que vous portez & tesmoignez à l'Homme, auant qu'il soit créé, en le créant, apres qu'il est créé; que diray je? apres que par sa faute il auoit perdu vostre Grace, & deuoit déchoir de toutes les faueurs que vous luy auiez faites. Vous auiez preueu de toute Eternité qu'il s'assujettiroit volontairement & librement à Deux Morts bien differentes l'une de l'autre, lesquelles il ne pourroit aucunement de soy seul éuiter; Et vous, mon Dieu, misericordieusement vous auez voulu le

38 *Meditation sur les Mysteres de la*
sauuer entierement de celle qui es-
toit la plus à craindre, & luy ensei-
gner l'Artifice de ne subir si tost que
il deuoit, celle qui ne l'estoit pas tant.
L'Ame qui peche meurt, mais meurt
d'une Mort Spirituelle & Eternelle,
& liure quant & quant son Corps à
vne Mort Corporelle & Temporelle.
Adam est Mort de l'une & de
l'autre Mort, & Dieu a remedié à l'une
& à l'autre Mort. Il n'y a point de
Mal, qui n'ayt aussi son Remede.
Dieu a guery Adam des deux Coups
Mortels qu'il s'estoit donné, & com-
bien qu'en fin il souffre vne separa-
tion momentanée de son Ame d'a-
uec son Corps, si est-ce que pour tou-
tel'Eternité il viura bien heureux, &
ne sçaura ce que c'est ny que Mort
Spirituelle & Eternelle, ny que Mort
Corporelle & Temporelle: voire en
ce Monde il viura quasi Immortel
par l'usage de la Salutaire Medecine

que Dieuluy a enseignée pour faire la guerre à la Mort, l'attaquer, l'affronter, luy faire peur, & presque la surmonter. L'Ame de l'Homme a pû pecher, mais l'Ame ne l'Homme n'a sceu se sauuer des deux Mort^s que elle & son Corps ont encouru par le Peché. L'Homme Pur a pû offencer, mais l'Homme Pur n'a pû aucunement satisfaire pour son Offence. Mais si l'Homme Pur ne l'a pû faire, puis que par toutes les submissions qu'il eust pû rendre à son Dieu, il n'eust pas tant merité, qu'il auoit demerité en se reuoltant & esleuant contre son Commádement: la Bonté Diuine fera que le Createur se fera Creature, que Dieu prendra la Nature de l'Homme, & que par l'Vnion des deux Natures, Diuine & Humaine, en vn mesme Suppost, l'Humaine satisfera à la Diuine condignement & selon la Rigueur de la

40 *Meditation sur les Mysteres de la*
plus estroite Iustice pour le Peché
d'Adam. Le Fils de Dieu, le Verbe du
Pere, la Sapience Eternelle s'Incar-
nera & s'Vnira la Nature de l'Hom-
me au Ventre Pur & Virginal de la
plus Chaste de toutes les Creatures;
& l'Homme Dieu satisfera abon-
damment pour l'Homme Pur à
Dieu, puis que l'Homme Pur n'auoit
en soy dequoy suffisamment appai-
ser Dieu. Iesus fera ce qu'Adam n'a
pû faire; le Fils du Createur & de la
Creature fera la paix entre Dieu &
l'Homme, & remettra en Grace son
Frere disgracié avec son Pere iuste-
ment courroucé pour l'indignité de
son Detestable Peché. La Sapience
Increée, mais Engendrée du Pere
Eternel auant tous les Siecles de tou-
te Eternité, par l'Obombration du
Saint Esprit Procedé par Amour
du Pere & du Fils, prendra Chair au
Cloistre Sacré de la Vierge Imma-
culée,

culée, & par Elle toutes choses ayant esté créées, faites & pris naissance auant le Temps & au commencement du Temps, d'Elle mesme reuestuë de nostre Humanité, Iesus Christ Dieu & Homme naistra apres le Temps & au milieu du Temps. O Sapience Diuine que vous estes incomprehensible! Le Peuple que vous auiez reserué pour vous seruir & adorer, & parmy lequel vous auez voulu naistre & estre esleué, s'est scandalisé, quand il a ouy, que vous estiez descenduë du Sein de Vostre Pere en Terre, & que pour sauuer les Hommes vous auiez pris (hormis l'Ignorance & le Peché) tout ce qui estoit de l'Homme. Les Gentils ont creu, que c'estoit Folie de penser que vous qui estiez Createur, eussiez voulu deuenir Creature, que d'Impassible vous vous fussiez réduë Passible, d'Immortelle Mortelle, & d'e-

42 *Meditation sur les Mysteres de la*
xempte de toutes calamitez, vous
assujettir à toutes sortes d'infirmi-
tez. Il est pourtant vray que vous l'a-
uez fait, & si vous ne l'auiez fait, ia-
mais ny Adam, ny nous autres ses
Enfants, nous ne serions deliurez de
la Mort Spirituelle & Eternelle, à la-
quelle nous estions Luy & Nous cō-
damnez à cause de son Peché. C'e-
stoit vn Arrest donné de toute Eter-
nité au Secret Conclau de la Sacro-
Saincte Trinité, que vous vous Vni-
riez Hypostatiquement la Nature
de l'Homme, pour le rachepter &
arracher des Griffes de Sathan. Les
Sainctes Actions que vous deuiez
faire durant vostre Vie, les Affronts
& Ignominies que vous deuiez en-
durer par ceux que vous estiez venu
sauuer, les Coups de Verges qu'ils
vous ont fait porter, & anec lesquel-
les ils ont déchiré toute la delicate &
tendre Peau de vostre Sacré Corps,

la Couronne d'Espines qu'ils ont enfoncée dans vostre Chef adorable, pour vous saluer par derision Roy de leur Nation, tout vostre Sang qu'ils ont respandu, la Passion qu'ils vous ont fait souffrir, le pesant Fardeau de la Croix dont ils ont chargé vos Espauls, les Cloux qui ont percé vos Mains & vos Pieds, la Lance qui a ouuert vostre Costé, la Priere qu'avez faite pour vos Ennemis, toutes vos Actions, Douleurs & Tourments que vous avez presentez à Dieu vostre Pere pour la reconciliation de la Pauvre Nature Humaine, vostre Esprit que vous avez rendu, la Descente que vous fistes aux Limbes tandis que vostre Corps gisoit au Tombeau; bref Mon Dieu, apres vostre Incarnation, vostre Vie, vostre Mort & Passion, la Gloire de vostre admirable Resurrection estoit necessaire pour accomplir

44 *Meditation sur les Mysteres de la*
l'Oeuure de nostre Redemption. Il
est vray qu'il n'estoit besoin d'une si
ample Satisfactiō, puis que vous pou-
uiez remettre en Grace l'Hōme avec
vostre Pere, par vne seule de vos Ac-
tions, & que l'Effusion d'une Goutte
de vostre Sang precieux estoit infi-
niement plus que capable pour me-
riter d'auantage le Pardon du Peché
de l'Hōme, qu'il n'auoit démerité;
entant que par icelle vous luy eussiez
satisfait plus qu'il n'auoit esté offen-
cé: toutesfois vous n'avez voulu
rien espargner, & vous vous estes
voulu tout liurer, pour deliurer
l'Homme de la Mort Spirituelle &
Eternelle. O que c'est à bon droit
que vous vous appelez aux Escriptu-
res Sainctes, Pierre! Vous estes vne
Vraye Pierre, Mon Dieu, mais vne
Pierre Philosophalle Celeste, de la-
quelle vne seule Projection sur tou-
tes les Ames des Hommes est infi-

niement plus que capable de les deliurer de toutes sortes de Pechez, & de les garantir de la Mort Spirituelle & Eternelle, qu'elles meritoient par le Peché. Ouy, Sapience Diuine, vous auez tant merité pour l'Homme, par vostre Incarnation, Vie, Mort, Passion & Resurrection, que toutes les Ames qui en participeront ne mourront iamais, mais viuront tousiours d'une Vie Spirituelle & Eternelle. Voila le Remede & la Medecine Celeste, que Dieu a voulu establir pour sauuer l'Ame de l'Homme de la Mort Spirituelle & Eternelle: Voila la Pierre Philosophalle Celeste, avec laquelle le Diuin Medecin deliure nos Ames de la Lépre Mortelle du Peché. Mais outre ceste sur-Humaine Medecine, & Pierre Philosophalle Celeste, Dieu ordonna qu'il y en eust vne autre Humaine & Terrestre, qui fust comme la Figu-

46 *Meditation sur les Mysteres de*
re de la Diuine & Celeste, laquelle
peust prolonger la Vie à l'Homme,
le deliurer de toutes Maladies, &
l'entretenir en Santé iusqu'au Terme
Prefix, auquel il doit retourner à
Dieu pour jouyr de la Vie Spirituelle
& Eternelle, moyennant qu'il parti-
cipe à la Projection d'un Grain de la
Pierre Philosophalle Celeste. Mais
considere Mon Ame, quelle est ceste
Pierre Philosophalle Humaine &
Terrestre; contemple - en le Philo-
sophe Humain & Terrestre; admi-
re - en l'Artifice subtil & presque in-
conceuable; regarde - en les Effects
puissants & quasi incroyables aux
Projections qu'en fait le Philosophe
Humain & Terrestre; mais compa-
re aussi humblement, & avec tout
respect possible, ceste Pierre Philo-
sophalle Humaine & Terrestre, avec
la Diuine & Celeste; confere avec
reuerence le Philosophe Humain &

Terrestre, avec le Diuin & Celeste; confere l'Artifice de la Pierre Philosophalle Humaine & Terrestre, avec le moyen que le Philosophe Diuin & Celeste a voulu faire la siennne; pense au rapport & difference des Projections de ces Deux si diuer-
ses Pierres Philosophalles, de l'Humaine & Terrestre composée par le Philosophe Humain & Terrestre, & de la Diuine & Celeste faite par le Philosophe Diuin & Celeste; Et finalement apprends par la Pierre Philosophalle Humaine & Terrestre, à croire & recognoistre les My-
steres de la Diuine & Celeste. La Pierre Philosophalle Humaine & Terrestre n'est autre chose que l'Es-
prit du Monde, ou bien qu'une Emanation Externe Spirituelle de la Ver-
tu de Dieu, reuestuë d'une Humidité Celeste, que le Philosophe Humain & Terrestre corporifie, condense &

48 *Meditation sur les Mysteres de la*
fixe dedans l'Or Vulgaire, pour le
rendre plus que Parfaict, pour luy
augmenter son Humide Radical,
pour le nourrir, faire vegeter & ani-
mer par la Mort de cét Esprit du
Monde vray & vnique Pere de tous
les Mixtes ses Enfants, qui sont ren-
fermez aux trois Familles de l'Em-
pire Vniuersel de la Nature.

Adam, Hermes descendu d'A-
dam, & tout Homme de bien, qui
adore, crainct & ayme Dieu; qui ne
souille son Ame des ordures puantes
des Vices & Pechez; qui ayme
son Prochain comme soy-mesme,
pour le seul amour de Dieu; qui en-
seigne aux Ignorants le chemin du
Ciel, & la Bonté de Dieu enuers sa
Creature; qui se resiouyt du bien
d'autrui comme du sien propre, &
s'attriste de ses aduersitez de la mes-
me façon que les siennes particulie-
res le pourroient toucher; qui est li-
beral

beral enuers les Pauures Souffreteux,
qui leur porte compafsion en leurs
miferes, qui leur prie & fouhaitte
l'afsiftance du Ciel & des gents de
bien, lors qu'il n'a la commodité de
leur faire quelque charité; Celuy qui
eft tel, eft le Philofophe Humain &
Terreftre, qui n'eft iamais delaiſſé de
Dieu, les Enfants duquel ne mandie-
ront iamais leur pain: C'eſt luy qui
trouuera le Threſor Caché en la
Terre Philoſophique: C'eſt luy qui
compoſera la Pierre Philoſophalle,
Humaine & Terreſtre, avec laquelle
il s'exemptera luy & les Mendiants
de Pauvreté, de Maladies & de tou-
tes les Incómoditez, dont la Vie de
l'Hóme eſt aſſaillie de toutes parts:
c'eſt luy qui avec ce Remede Hu-
main & Terreſtre, que Dieu a eſta-
bly pour retarder la Mort Corpo-
relle & Temporelle, prolongera ſes
Iours iuſques à pluſieurs Siecles par

50 *Meditation sur les Mysteres de la*
l'usage de quelque Grain de ceste
excellente & puissante Medecine.

La Pierre Philosophalle Humai-
ne & Terrestre se parfaict avec vn si
admirable & industrieux Artifice,
que iamais l'Homme ne l'auroit pû
concevoir, si Dieu par sa Bonté &
Misericorde infinie ne luy eust ensei-
gné. L'Excellent Philosophe Her-
mes Trismegiste, qui l'a laissé à la
Posterité en vne Table d'Esmeraude,
confesse ingenuëment ceste verité,
quand il enseigne qu'il ne tient ceste
Sagesse Humaine que par la Reuela-
tion que luy en a faite le bon Dieu.
Or jacoit que l'Operatió de la Pier-
re Philosophalle Humaine & Ter-
restre soit grandement difficile, espi-
neuse & remplie d'obstacles, qu'il
faut necessairement sçauoir & sur-
monter, auant que d'en arriuer à la
perfection, si est-ce toutesfois qu'elle
est tout à fait Naturelle, & ie dis au-

tant Naturelle, que la Multiplication d'un Grain de Bled, d'où vne grande quantité d'autres Grains prouiennét par parfaicte generation, est Naturelle: elle est autant Naturelle, que la generation des Animaux est Naturelle: elle est autant Naturelle que Naturellement Chaque Chose engendre son Semblable. Qui a-il plus Naturel qu'une Semence qui est renfermée dedans un Corps, & laquelle est venue du Ciel, attire du Ciel vne Semence Vniuerselle, reuestuë d'un Corps Humide grandement Subtil, & que la Semence Particuliere s'augmente & se multiplie, par l'affusion & attraction de la Semence Generale, qu'elle singularise & particularise en soy pour s'augmenter, multiplier & engendrer son Semblable. Lors que le Laboureur a preparé la Terre, & qu'il y a semé son Grain, le Grain engendre-il d'autre Grain que

52 *Meditation sur les Mysteres de la*
par l'attraction que l'Esprit Particu-
lier Seminal qui est dedans le Grain,
fait de l'Esprit Vniuersel Seminal,
qui est encore au Chaos General de
toutes choses ? & comme l'Esprit
Particulier Seminal est reuestu de sa
Propre Humidité , avec laquelle il
constituë le Baulme, l'Humide Ra-
dical & la Semence Specifique du
Grain, n'est-il pas vray aussi qu'au
mesme temps que l'Esprit Particu-
lier Seminal attire du Chaos Gene-
ral l'Esprit Seminal Macrocosmique
Indeterminé , qu'au mesme temps
pareillement la Propre Humidité de
l'Esprit Seminal Particulier est aug-
mentée en Matiere & en Quantité,
de l'Humidité Vniuerselle Macro-
cosmique, qui accompagne touf-
jours l'Esprit Seminal Macrocosmi-
que Indeterminé , avec lequel elle
compose la Semence Vniuerselle, la
Mumie Balsamique , la Matiere Pre-

miere A&tiue, & le Baulme General de toutes choses? La Semence Vniuerselle & la Matiere Generale de toutes choses, et d'où toutes les Semences Particulieres sont dériuéés originairement, est bien Inuisible, à cause qu'elle est Vniuerselle, Indeterminée & Identifiée dedans le Chaos General avec les Influences Celestes, mais toutesfois elle deuient Visible, Particuliere, et tombe sous les Sens, quand elle est attirée par quelque Semence Particuliere. De la Semence Vniuerselle Inuisible, le Corps de la Semence Particuliere Visible est prouenu, et ce Corps de la Semence Particuliere Visible fait paroistre le Corps de la Semence Vniuerselle Inuisible, duquel il a esté engendré. A ce propos Vn Vray Philosophe a fort bien dit en l'Epilogue de ses Douze Traictez. *Aër est Veterum Philosophorum Materia*

54 *Meditation sur les Mysteres de la*
Hic est Aqua Roris nostri, ex qua re-
trahitur Sal Petre Philosophorum,
quo omnes res crescunt & nutriuntur.
Estque Magnes noster, quem in præce-
dentibus Chalybem esse dixi. Aër ge-
nerat Magnetem. Magnes verò gene-
rat vel apparere facit Aërem nostrum.
Est in Aëre occultus Vita cibus, quem
nos Rorem de nocte, de die Aquam
vocamus Rarefactam, cujus Spiritus
Inuisibilis Congelatus melior est quàm
Terra Uniuersa. C'est à dire, L'Air est
la Matiere des Anciens Philosophes.
L'Air est l'Eau de nostre Rosée, d'où
se tire le Sal Petre des Philosophes,
duquel toutes choses croissent et se
nourrissent. Il y à aussi nostre Ay-
mant, que i'ay nommé Acier par cy
deuant. L'Air engendre l'Aymant.
Mais l'Aymant engendre, ou plust-
ost fait paroistre nostre Air. De-
dans l'Air la Viande de la Vie est
cachée. De nuict nous l'appellons

Rosée, & de iour nous la nommons Eau Rarefiée: de laquelle l'Esprit Inuisible estant Congelé vaut mieux que toute la Terre Vniuerselle. Le mesme Philosophe au mesme Epilogue monstre que l'Eau Pontique des Philosophes, qui en effect est la Semence Vniuerselle & Indeterminée de toutes choses, deuiant Visible par Congelation dedans les Corps Parfaicts Metalliques, qu'il appelle Aymants & Aciers, & que ceste Eau Celeste & Vniuerselle s'attire Philosophiquement par les Corps Parfaicts Metalliques des Influences Vniuerselles & Inuisibles des Corps Superieurs, & principalement du Soleil & de la Lune. *Aqua (dit-il) nostra Pontica Coagulatur in Sole & Luna, & extrahitur è Sole & Luna Chalybe nostro, Artificio Philosophico, miris modis per prudentem Artis Filium.* Que peut-on dire de plus

36 *Meditation sur les Mysteres de la*
clair pour declarer d'où prouient la
Semence Vniuerselle Macrocosmi-
que Inuisible? de laquelle cōmetou-
tes les Semences Particulieres ont ti-
ré leur Estre, aussi elles ne peuuent
multiplier leurs Especes, ny engen-
drer leurs Semblables, que par l'at-
traction & corporification qu'elles
font de la mesme Semence Vniuer-
selle Macrocosmique Inuisible, la-
quelle apres qu'elle est attirée & cor-
porifiée par l'Artifice requis, elle de-
uient Visible, au moins elle fait reco-
gnoistre par les multiplications &
generations que font les Semences
Particulieres, que réellement & de
faict il faut que quelque Matiere Ge-
nerale & Semence Inuisible se soit
adjoincte aux Corps des Semences
Particulieres pour faire de telles mul-
tiplications & generations qu'elles
font. Or apres que les Semences Par-
ticulieres ont attiré à elles la Semen-

ce Vniuerselle, n'est-il pas de besoin qu'une Digestion se fasse, à celle fin que ce qui en prouient paruienne à Maturité? La Chaleur Celeste ne fait-elle pas meurir les Biens de la Terre, auant qu'on fasse la Moisson? aussi faut-il que le Philosophe Humain & Terrestre prenne la peine, mais avec grand soing & diligence, de mener son Oeuure à Maturité, avec vne Chaleur conuenable, quand il a augmenté & multiplié les Semences Particulieres des Metaux Parfaicts, par l'attraction & determinaison qu'ils ont fait du Mercure des Philosophes, ou de la Semence Vniuerselle Macrocosmique. Il est certain qu'il y a bien à songer, auant que de pouoir rendre Visible, ce qui est Inuisible, & faire Paroistre ce qui ne Paroist pas: neantmoins celuy qui aura bon Esprit, & qui cognoistra la Sympathie & Harmonie des choses, &

58 *Meditation sur les Mysteres de la*
la Puissance Interne qu'ont les Aymants & Aciers Philosophiques d'attirer du Chaos Vniuersel Macrocosmique le Mercure de Vie Inuisible, d'où naissent & sont engendrées toutes les choses Visibles, n'aura pas tant de peine qu'il pourroit bien s'imaginer, à rendre Visible ce qui est Inuisible. L'Aymant par Sympathie & Vertu Occulte attire le Fer: l'Ambré par Sympathie & Vertu Occulte attire la Paille: Chaque Chose par Sympathie & Vertu Occulte attire son Semblable, se resjouyt de son Semblable, se nourrit & multiplie par son Semblable. Ce n'est pas à dire que les Semences Particulières soient Semblables à la Semence Generale, ny que la Semence Vniuerselle soit Semblable aux Semences Particulières, puis que les Semences Particulières sont déterminées à certaines Especes douées de la Science,

Teinctures, Vertus, Qualitez & Proprietez de leurs propres Especes, au lieu que la Semence Vniuerselle est Indeterminée à toutes sortes d'Especes, qu'elle n'a rien de particulier, & qu'elle ne contient qu'en puissance la Teincture, la Science, les Vertus, Qualitez & Proprietez des Semences Particulieres: toutesfois ce n'est pas sans raison qu'on dit, que les Semences Particulieres sont Semblables à la Semence Vniuerselle, veu qu'elles en sont originairement prouenües, & qu'elles en attirent Naturellement & continuellement vne Humidité Actüée d'Esprit, qu'elles se rendent Semblable, avec laquelle elles s'augmentent, multiplient, & produisent leurs Séblables.

Qui est-ce qui ne s'émerueillera des Effects admirables de la Pierre Philosophalle Humaine & Terrestre? Lors que l'Artifice en est par-

60 *Meditation sur les Mysteres de la*
faict, quel pouuoir & vertu n'a pas
vn Petit Grain de ceste Pierre Philo-
sophalle Humaine & Terrestre, soit
qu'on le veuille employer, ou pour
la Medecine, ou bien pour la Trans-
mutation des Metaux Imparfaiets?
S'il est question de la Medecine; vn
Petit Grain de ceste Pierre Precieuse
est vn Remede Catholique & Vni-
uersel pour toutes sortes de Mala-
dies, de quelques causes qu'elles puis-
sent prouenir. Il n'est question de
s'informer si le Mal prouient de
Chaud, de Froid, de Sec, ou d Hu-
mide: Il ne faut s'enquester s'il deri-
ue du débandement de la constitu-
tion naturelle & détraquement des
Trois Principes Hypostatiques,
Mercure, Soulfhre & Sel: Quoy
plus? il n'est besoing d'auoir recours
au Medecin, pour auoir de luy quel-
que ordonnance, ou pour ouurir la
veine, ou pour lascher le ventre par

Sapience Divine & Humaine. 61

Medecine , ou par lauement , ou pour faire suer, ou pour faire vriner. Ce Petit Grain de la Pierre Philosophalle Humaine & Terrestre a la vertu de guerir le Mal quel qu'il soit, dautant qu'en luy sont concentrées toutes les Vertus infinies des Influences Celestes , & les Puissances du Corps le plus Incorruptible que le Ciel ayt engendré aux entrailles de la Terre. Pourueu qu'on ayt ce Petit Grain, il faut hardiemēt & asséurément le bailler au Malade, & en peu de temps on verra des merueilles : le Malade sera guery , & aura dequoy louer & remercier la Sapience Diuine , d'auoir voulu misericordieusement enseigner à l'Homme ceste Sapience Humaine, qui peut si puissamment le guerir de toutes sortes de Maladies, le conseruer en santé, luy retarder la vieillesse, & luy prolonger ses Iours par des siecles en-

62 *Meditation sur les Myſteres de la*
tiers. Mais veut-on voir ce que peut
vn Petit Grain de la Pierre Philoſo-
phalle Humaine & Terreſtre pour
la Transmutation des Metaux Im-
parfaits en Parfaits, apres qu'elle a
eſté deuëment Fermentée & Multi-
pliée? Il peut (ce dit Augurel) con-
uertir toute la Mer en Or, ſi toute
l'Eau de la Mer eſtoit changée en
Mercure.

*Illius exiguâ projectâ parte per Undas
Æquorũ, Argentum Viuum ſi tunc fo-
ret Æquor,*

*Omne vel Immenſum verti Mare poſ-
ſet in Aurum.*

*Que ſi en Mer tu viens vn peu jetter
De ceſte Poudre acquiſe par Art gent,
Et que la Mer fuſt lors tout Viſ Argẽt,
Par ceſte Poudre en petite partie
La Mer ſeroit toute en Or conuertie.*

Si on prend cecy pour hyperbole,
qu'on adjoſte foy à l'experience
qu'a fait le Pieux & bien-heureux

Raymond Lulle, lequel avec la grosseur d'un Pois de sa Poudre Philosophique, a conuertty en tres-fin Or, meilleur que celuy des minieres, 10000000000000000 Onces de Mercure Vulgaire des Droguistes, qui font 62500000000000 six cents vingt-cinq milliars de milliars de liures d'Or.

Bon Dieu quels effectz! qui ne se-
ra rauy de la puissance & vertu d'un
Petit Grain de la Pierre Philosophal-
le Humaine & Terrestre? Mais qui
ne le sera bien d'auantage de la Ver-
tu & Puissance infinie, qui est en la
Pierre Philosophalle Diuine & Ce-
leste? L'Humaine & Terrestre pro-
duict des merueilles, il est vray; elle
cause des effectz prodigieux, person-
ne n'en doit douter: toutesfois sa
puissance & vertu n'est pas infinie,
elle est bornée & limitée: & pour-
roit-on jeter vne si petite particule

64 *Meditation sur les Mysteres de la*
sur telle quantité de Mercure, qu'elle
ne pourroit le conuertir tout en Or:
& de plus, elle ne peut garantir
l'Homme de la Mort Temporelle &
Corporelle; son pouuoir ne s'estend
qu'à retarder seulement la vieillesse
& la Mort, & l'entretenir en Santé
iusques au Terme ordonné de Dieu.
Mais c'est bien autre chose des Ap-
plications & Projections de la Pier-
re Philosophalle Diuine & Celeste.
Sa vertu & puissance est infinie, elle
n'a point de borne ny limite. L'Effu-
sion d'une seule Goutte de Sang, que
le Fils de Dieu a voulu respendre
pour l'Homme, est infiniment plus
que suffisante pour sauuer les Ames
de tous les Hommes, qui ont esté,
qui sont, & qui seront, & de tous
ceux qui sôt possibles & qui ne serôt.
Une seule Goutte brise la teste du
Serpent, ferme l'Enfer, ouure le Ciel:
donne la Mort à la Mort, & donne à
l'Homme

l'Homme Mort vne Vie éternelle-
ment bien-heureuse.

Voila, Mon Ame, Vne grande
Difference entre ces Deux Pierres:
mais il n'y en pouuoit auoir vne
moindre, qu'il y a entre Dieu &
l'Homme, entre le Philosophe Di-
uin & Celeste, & le Philosophe Hu-
main & Terrestre. Il est bien raison-
nable que l'Oeuure de Dieu surpasse
celuy de l'Homme. Il n'y à point de
comparaison entre le Fils de Dieu,
& Vn Pur Homme: & partant la
Vertu Finie de l'Ouurage du Pur
Homme ne peut estre aucunement
comparée à la Vertu Infinie de l'Ou-
rage du Fils de Dieu: & ainsi la Pier-
re Philosophalle Humaine & Terre-
stre n'est rien en comparaison de la
Pierre Philosophalle Diuine & Ce-
leste.

Il y a eu aussi bien de la differen-
ce en l'Artifice & Ouurage de l'vne

66 *Meditation sur les Mysteres de la*
& de l'autre Pierre : En la Diuine &
Celeste, la Nature Humaine est mō-
tée iusques à estre Vnie à la Nature
Diuine, en vn mesme Subiect Diuin:
Et en l'Humaine & Terrestre, l'Es-
prit Vniuersel du Monde est decen-
du pour se Corporifier avec la Natu-
re de l'Or Mineral : En la Diuine &
Celeste, le Fils du Pere Eternel a esle-
ué la Nature Humaine sa Creature,
iusques à luy communiquer son Es-
tre Diuin : Et en l'Humaine & Ter-
restre, l'Or Mineral engendré & pro-
duit par l'Esprit du Monde aux en-
trailles de la Terre, a abbaisé son
Pere le Mesme Esprit du Monde de-
dans la Terre, pour luy bailler son
Estre Terrestre & Corporel : En la
Diuine & Celeste, l'Homme Creatu-
re deuiant Vn avec Dieu Createur:
Et en l'Humaine & Terrestre, l'Es-
prit du Monde créé Substance Spi-
rituelle deuiant en l'Or, Substance

Corporelle: En la Diuine & Celeste, la Nature Humaine Vnie à la Diuine patira, souffrira & mourra pour guerir la Lépre Mortelle, qui infectoit tout le reste des Hommes ses Freres: Et en l'Humaine & Terrestre, l'Esprit du Monde passera par la Putrefaction, & sera mis à Mort par l'Or son propre Fils, pour deliurer les autres Metaux ses Freres de la Lépre, qui les a infectez au Ventre de leur Mere.

Ne faut-il pas que les Pierres Philosophalles qui sont composées par des Artifices si differents, fassent des Projections bien differentes les vnes des autres? Par les Projections de la Pierre Philosophalle Celeste & Diuine, la Nature Humaine Vnie à la Nature Diuine & deuenüe Dieu, Sublime, Volatilise & Spiritüalise le Corps pour l'Eternité: & par les Projections de la Pierre Philoso-

68 *Meditation sur les Mysteres de la*
phalle Humaine & Terrestre, la Na-
ture Subtile & Spirituelle de l'Esprit
du Monde, Corporifiée dedans les
Corps des Metaux Parfaicts, Preci-
pité, Fixe & Corporifie les Esprits
des Metaux Imparfaicts. L'Homme
qui participe aux Projections de la
Pierre Philosophalle Diuine & Ce-
leste, demeure Spirituellement Vn,
par Iesus Christ, avec le Pere Eter-
nel Esprit des Esprits, pour vn la-
mais, au Sejour desirable des Bien-
heureux: & les Metaux Parfaicts sur
lesquels on Projecte quelque petite
Portion de la Pierre Philosophalle
Humaine & Terrestre, recoiuent
Corporellement les Vertus de l'Es-
prit Vniuersel du Monde; si bien
que comme leur Pierre est Corpo-
relle, dautant quel Esprit du Monde
y a esté par l'Artifice Hermetique
Corporifié & Fixé, ausileur Natu-
re Volatile & Spirituelle deuient

vne mesme chose Fixe & Corporelle par la Pierre, avec l'Esprit Vniuersel du Monde. Autant que differe la Terre Centre des Corps, du Ciel Centre des Esprits, autant sont differentes les Projections de la Pierre Philosophalle Humaine, & Terrestre, de la Diuine & Celeste. Chacune respond à son Centre, & communique les Proprietez de son Centre. Celle-la fait les Esprits Corps; & Celle-cy rend les Corps Esprits: Celle cy emporte le Corps, qui est le Mercure, par l'Esprit qui est le Soulfre; en Celle-la le Corps qui est le Soulfre, Retient & Fixe l'Esprit, qui est le Mercure.

Mais j'ajoit que la Pierre Philosophalle Humaine & Terrestre differe tant en tout & par tout de la Pierre Philosophalle Diuine & Celeste, si est-ce toutesfois que Dieu a voulu que Celle-la fust comme la Figure &

70 *Meditation sur les Myſteres de la*
Hieroglyphique de Cellecy. Et pour
quoy non? Ne faut-il pas des Chofes
Créées & Viſibles, apprendre les In-
créées & Inuiſibles? toutes les Oeu-
res de la Nature en l'Operation de
la Pierre Philoſophalle Humaine &
Terreſtre, ne ſont-ce pas autant de
Degrez pour mōter iuſques à la co-
gnoiſſance de la Pierre Philoſophal-
le Diuine & Celeſte. La Bonté de
Dieu a eſté ſi grande, qu'elle a voulu
que par la Sapience Humaine on re-
cogneuſt la Verité de la Sapience
Diuine; & que les Myſteres de Celle-
là deſcouriſſent les Myſteres de
Celle-cy. C'eſt vn Motif puiſſant de
ne douter des Myſteres Diuins &
Surnaturels; qui Surpaſſent la Por-
tée de l'Entendement Humain,
quand on en void d'autres Humains
& Naturels qui Frappent nos Sens,
& leſquels ont quelque rapport &
conuenance avec les Myſteres Di-

Sapience Diuine & Humaine. 71
uins & Surnaturels.

Pour commencer par la Réelle
Presence de Dieu en tous lieux, &
de celle du Corps de Iesus Christ en
diuers Endroits, en vn mesme
Temps, sous plusieurs Hosties, au
Sacro-Sainct Sacrement de l'Autel;
pourquoy est-ce qu'on ne l'aduouie-
ra pas, veu que la Matiere Premiere
de la Pierre Philosophalle Humaine
& Terrestre se retreuve par tout ?
remplissant tout, viuifiant & ani-
mant tout, & multipliant tout ce
qui est en la Nature ? & que sans
l'Artifice Hermetique, elle ne se
Corporifie pas avec les Metaux Par-
faits ; & qu'avec iceluy, elle s'y fait
Corps en diuers lieux.

Je n'ay aucune difficulté de croi-
re que mon Sauueur soit Ressuscité
Glorieux de son Sepulchre, sans au-
cune Ouverture ou Fraction ; puis
que ie sçay que ma Matiere Premie-

72 *Meditation sur les Myſteres de la*
re penetre toutes choſes, voire les
Corps les plus durs & compactes.

Pourquoy eſt-ce que la Vierge Sai-
crée n'auroit conçu en Virginité, &
apres auoir enfanté, n'auroit cōſer-
ué ſa meſme Virginité, puis que ie
vois que la Terre Vierge des Philo-
ſophes impregnée de l'Eſprit du
Monde, enfante l'Enfant tant deſi-
ré des Sages.

Il n'y à choſe créée au Monde, qui
puiſſe donner d'auantage de co-
gnoiſſance du Tres-haut Myſtere
de la Saincte Trinité, que les Trois
Principes & Subſtances Hypoſtati-
ques de toutes choſes, nommées par
les Sages, Mercure, Soulfre & Sel,
qui ne font qu'une meſme Subſtance
au Mercure des Philoſophes, ou en
la Matiere Premiere de toutes cho-
ſes. Et de plus, l'Eſprit Vniuerſel du
Monde a engendré l'Or ſon Fils, &
des Deux, Vne Subſtance Moyenne
procede,

procède, qui n'est engendrée ny de l'Vn ny de l'Autre, mais qui procède des Deux ensemble: & ceste Substance Moyenne est appellée par les vrays Philosophes, Ame Blanche, Terre Feüillée, Or Blanc, Laiet Virginal, Mercure Sublimé, Eau Tingente, Partie Reserüée non Fixe, Sel, la Nourriture de l'Enfant, & de plusieurs autres Noms.

On peut apprendre de la Philosophie Adepté, qu'il est necessaire que nous mourrions, & que nostre Ame quitte vne fois nostre Corps pour pourrir, à ce que nous Ressuscitions Glorieux, par le Merite d'une Projection de la Pierre Philosophale Diuine & Celeste. Car en Nostre Magistere, l'Ame quitte son Corps qui meurt en sa Nature Metallique, & lors que l'Ame est reünie au Corps, le Corps deuient tout Glorieux & Lumineux.

74 *Meditation sur les Myſteres de la*

Par la Philoſophie Hermetique
on peut entendre comment le Pere
Eternel a determiné de toute Eter-
nité, que ſon Fils ou Verbe Diuin
prendroit Chair Humaine, & endu-
reroit vne Mort ignominieufe pour
rachepter nous autres ſes pauvres
Creatures, ſans lequel Decret, eſtant
accablez ſoubs le peſant fardeau de
nos pechez, pour leſquels nous ne
pouuions ſatisfaire à la Juſtice Diui-
ne, nous eſtions à iamais perdus &
miferables. Car le Mercure des Phi-
loſophes met à Mort ſon Fils bien-
Aymé, ſçauoir Noſtre Metal Par-
fait, à ce que par ſa Mort il donne la
Vié aux Metaux Imparfaiſts ſes Fre-
res, & les déliure de la Lepre Mor-
telle, qu'ils ont contractée en la Ma-
trice impure de leur Mere.

Le Monde a eſté deſia purgé par
l'Eau Vniuerſelle du Deluge, & la
Flamme enfin le nettoiera de tou-

tes ses impuretez ; puis que Nostre Metal Parfaict est purgé premiere-
ment par le Deluge de l'Eau Vni-
uerselle Dissoluant de nostre Ciel
Philosophique, les Cataractes du-
quel se rompent, pour couvrir No-
stre Corps Chymique de ses Eaux
Superieures : & qu'apres qu'elles se
sont retirées, pour donner à Nostre
Petit Monde Philosophique sa per-
fection & pureté requise, il est neces-
saire que nous ayons recours au Feu.

Le Philosophe Hermetique reco-
gnoist que l'Homme ne peut rien
sans la Grace de Dieu, pour estre
bien-heureux ; puis qu'il void que
l'Or ne peut rien sans l'Esprit du
Monde, puis que sans cét Esprit il est
Mort, & que ce n'est que par cét Es-
prit, qu'il est comme Ressuscité à Vie
& à vne Nature Spirituelle.

Nous apprenons par la Practique
de Nostre Oeuure, que pour nostre

76 *Meditation sur les Mysteres de la*
Glorification il a esté necessaire que
Iesus Christ instituaſt le Sainct Sa-
crament de Baptesme, apres que son
Precurseur eust presché celuy de Pe-
nitence : & que pareillement son S.
Esprit descendist en Langue de Feu
sur les Apostres assemblez. Car auât
que nostre Corps Parfaict Metalli-
que, qui n'est que simplement Par-
faict par Nature, pour ſoy, ſans qu'il
puiſſe communiquer la moindre
perfection que ce ſoit aux autres
Metaux, deuienne plus que Parfait,
tout éclattât & brillât en Teincture,
il faut qu'apres qu'il a esté long-téps
Broyé & Arrouſé des Eaux de No-
ſtre Ciel Philosophique, il reçoie la
Flamme, & s'accouſtume au Feu,
pour y receuoir ſa derniere Perfe-
ction.

Nous cognoiſſons que les Corps
Glorieux ſont Impaſſibles, & qu'ils
peuuent penetrer ſans aucune reſi-

stance toutes sortes de Corps, de ce que nostre Corps Parfaict Metallique, apres que nostre Artifice est acheué, est Impassible & penetre en vn instant tous les Metaux pour durs & compacts qu'ils soient, leur donnant au mesme temps toute la Perfection qu'ils scauoient auoir.

Bref nous apprenons de la Fin de Nostre Science, comment par la Mort & Resurrection du Fils de Dieu, le Paradis est acquis à ceux qui suiuront Iesus Christ, portants apres luy Sa Croix, & participants aux Fruicts de sa Sainte Passion. Car tous les Metaux Impurs & Imparfaicts, sur lesquels on vient à Projeter vne Petite Parcelle de l'Elixir Hermetique, jouyssent & jouyront tandis que le Monde durera, de la Gloire de leur Roy Mort, & puis Glorieux, laquelle ils n'eussent pû recevoir, si le Metal Parfaict Solaire

78 *Meditation sur les Mysteres de la*
leur Roy n'eust esté mis à Mort, & si
de la Mort il n'eust comme Ressus-
cité en Gloire, pour la communiquer
aux Metaux Imparfaicts ses Freres.

Que Personne ne pense que par
les Rapports & Conuenances que
j'ay faites jusques icy, ie veuille pro-
faner les Sacrez Mysteres de Nostre
Sainte Religion. Ce n'est pas mon
intention, & plutost ie choisirois
mourir de mille Morts, que de son-
ger seullement à la moindre chose,
qu'on peust croire ou soupçonner
estre contre l'honneur & reuerence
qu'on doit à Dieu, & à la Religio qui
nous est estable, & qui nous est pro-
posée, expliquée & enseignée par la
Sainte Eglise Catholique Aposto-
lique & Romaine; à laquelle ie me
soubmets tres-humblement, & les
Oeuures que j'ay faits & feray, es-
tant prest de signer de la dernie-
re Goutte de Mon Sang tout ce

Sapience Diuine & Humaine. 79
qu'elle a-enseigné, tout ce qu'elle en-
seigne, & tout ce qu'elle enseignera
iamais.

F I N.

Extrait du Privilège du Roy.

LE Roy par ses Lettres Patentes
du 27. Ianuier 1631. a permis à M^e
JEAN COLLESSON, Doyen de Maigné,
de faire Imprimer, vèdre & distribüer
par tel Imprimeur ou Libraire que
bon luy semblera, tant de fois qu'il
voudra, soit sans augmentation ou
auec augmentation, conjointement
ou separément, pour le temps & espa-
ce de six ans, à compter du iour de
l'impression acheuée, ses Oeuures ;
Sçauoir l'Idée Parfaicte de la Philosophie
Hermetique; L'Alliance du Ciel avec la Ter-
re, pour l'Etablissement de la Philosophie des
Anciens ; Nouuelles Pensées de la Philoso-
phie Naturelle, & l'Escole de Verité. Auec
deffences à tous autres Imprimeurs,
Libraires & autres de son Royaume,
& Terres de son obeyssance, de quel-
que Estat, qualité & condition qu'ils

soient, d'Imprimer ou faire Imprimer
lesdits Oeuures, sans son congé &
permission, ny mesme susciter les Es-
trangers à ce faire, ny de les translater
en autre lāgue, ny d'ē extraire aucune
chose, n'y d'en vendre, & tenir autres
exēplaires, tāt en priué qu'en public,
que de ceux que ledit COLLESSION au-
ra fait Imprimer, ou ceux qui auront
droict de luy, sur peine de douze cens
liures d'amende, applicables moitié à
Nous, & moitié audit Suppliant, &
de tous despens dommages & inter-
ests, & de confiscation de tous les
Exemplaires qui se trouueront estre
Imprimez à ce contraires: nonobstāt
toutes oppositions ou appellations
quelconques: à la charge de mettre
deux Exemplaires desdits Oeuures
en nostre Bibliotheque.

Par le Roy en son Conseil.

POTIER.



Acheué d'Imprimer le xv. Mars 1631.

er
&
f
er
ne
es
c,
u-
nt
ms
a
&
er-
es
re
at
ns
re
es

